

CONTROVERSIA
DE BONORVM OPERVM
ET SACRAMENTORVM NE-
CESSITATE, ADVERSVS NOSTRÆ
Tempestatis Hæreticos dua-
bus Orationibus com-
prehensa.

AVTHORE




GEORGIO GOTHARDO
SS. THEOLOGICÆ AC PHILO-
sophiæ Doctore & Canonico
Patauienſe.

Acceſſerunt alia Scholaſtica exercitationes.

Bibl. Sec.

Coll. Rom.

Loc.



ſeu

INGOLSTADII

Excudebat DAVID SARTORIUS.

ANNO M. D. LXXVII.

*ſcđo clariſſimog viro ſcđo Francisco pacz
ſ. ſ. theologiae doctore et Collegij Romani profeſſori
celeſterrimo ſcđo ac proceſſu ſuo obſequioſe ſcđo*

2. CONTROVERSIA

DE PONTIFICI & CLERO

ET DE ALIIS REBUS

AD HOC PERTINENTIBUS

SCRIPTIS A H. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

PROB. J. REYNOLDS

ILLVSTRISSIMO

AC SERENISSIMO

PRINCIPI ET DOMINO,

DOMINO ALBERTO, COMITI

Palatino Rheni, vtriusque Baua-

riæ Duci &c.

DOMINO SVO CLE-

MENTISS. GEORGIUS

Gothardus Felicitatem.



QUOTIESCVNQVE
inueteratas horû infor-
tissimorû temporum
calamitates, hæresesq;
per orbem longè lateq;

fusas mecû perpendo (ALBERTE Dux
Serenissime) partim doleo, partim etiã
occulta ac abstrusa diuina iudicia admi-
ror. Doleo enim vehementer immuta-
tam Germaniæ faciem ac florētissimum
quondam Germanicum imperium tam
miserè dilaceratum, labefactatû, ac pe-
nè conuulsum; doleo sempiternû infini-
tarum animarum interitû. Quid autem
admiratione videtur dignius, quàm vnû

P R Æ F A T I O

perditum profligatumque monachum
 nec pelle ouina satis artificiosè tectum,
 nec doctrina excellèti perpolitum tan-
 tam potuisse, tamq; fœdam ac pernicio-
 sam labem in vniuersum orbè Christia-
 num inuehere? Quòd si quis singulari
 eruditione præditus, ac insignè pietatis
 ac virtutis imaginè præ se ferens tantum
 incēdium excitasset (quales Arrius, Ma-
 nichæus, Nestorius, & alij quamplures
 veteres hēresiarchę fuēre) nō esset, quòd
 tantoperè admiraremur; nūc verò cū
 impudētissimus, impurissimus, audacis-
 simus quidam perfuga, ac auitæ religio-
 nis desertor & proditor ardentes faces
 Reip. Christianæ iniecerit, illius senten-
 tiæ subscriptum esse summam habet ad-
 mirationē. Se à Deo missum prædicauit
 Lutherus, ei ne credi par fuit? Prospexit
 iam longè antè præsentem tempestatem
 ac fluctus, quib. Respub. Christiana iam
 percellitur & concutitur D. Paulus; pro-
 spexit ac præcognouit nō defuturos, qui
 non missi cursuri essent. Vnde, ne à vete-
 ri religione diuelli nos pateremur, néue
 nouæ

AD ILL. BAVARIÆ DUCEM.

nouæ doctrinæ aures præberemus præmonitos nos volēs, nec Angelo quidem nouum Euangeliū afferenti fidē accommodandā esse docuit. Nouum Euangelium attulit Lutherus; quibus miraculis, vt de eius veritate nō dubitarem, illud confirmauit? quæ prodigia pro doctrinæ suę confirmatione edidit? Tentauit quidem aliquando præclarus hic quintus Euangelista scēminam à demone graui-ter afflictam excruciatamq; liberare ac demonē ab obsessa profligare; sed quantum effecerit, & quo periculo munus illud susceperit, graues scriptores memoriæ prodiderūt: nisi enim tum temporis vir Clarissimus Fridericus Staphylus operā suā Luthero egregiē nauāssēt, ac ostium perfregisset, miserē dilaceratus ac in mille partes dissectus dubiō procul fuisset. Magno certē Reip. Christianæ cōmodo nefarios ipsius conatus clementissimus Deus delusit, vt perennem multarū animarum perniciem auerteret. Prætereo, quem successum etiam habuerit instructum Caluini miraculum, quod vulgō

P R Æ F A T I O

fertur. Potuissent sanè ex his facile cognoscere homines quo spiritu agitantur, & quàm boni viri essent Nouatores isti; quòd non Dei gloriam & honorem quèrerèt, sed honores & opes ambirent, ac perpetuum omniù nostrùm exitium sitirèt. Auget etiã admirationem meam vehementiùs, nostrorù dogmatistarum, qui se Euangelicos iactant, incredibilis arrogantia, impudens vanitas, lubrica in maximis rebus incòstantia, dogmatum pudenda absurditas; vt satis admirari nò queã mortales tam crassos errores fraudesq; non deprehendisse: gloriantur aduersarij se Euangeliũ in tenebras detrusum in lucem reuocasse. An non hæc est insolentia intollerabilis, & mendacium impudentissimum? Quid enim hoc est aliud dicere, quàm Ecclesiã periisse, succubuisse, & à demonis insidiis superatã? siccine Lutherani? An nò hoc est humanæ libertatis vindici Christo, qui se semper Ecclesiæ adfuturũ, ac eam nunquam deserturũ benignissimè promisit, repugnare? Tu es Petrus, inquit, & super hanc

petram

AD ILL. BAVARIÆ DUCEM.

pettam ædificabo Ecclesiā meā, nec por-
 te quidē inferorū præualebunt aduersus
 eā. Magna est vis, magna dignitas horū
 verborum, nō leue, quid nō exiguū? non
 humile & abiectum spondet humani ge-
 neris salutis Autor suæ Ecclesiæ, sed ma-
 gnum, arduū ac stupendū. Atq; hoc non
 immeritò. Nā cū Synagoga ita fuerit
 stabilita & confirmata, vt in errores labi
 nō potuerit, cur Christus Ecclesiā suam,
 quā flumine sanguinis erexit ab errorib-
 us, nō conseruaret? nō satīs certē huma-
 no generi prospectū fuisset, plusq; detri-
 menti primorū parentum crimen quā
 Christi acerbissima mors nobis attulif-
 set, si Ecclesia, cui nos in omnib. obedire
 Christus præcepit in fide & morib. erra-
 re ac seducere nos posset. Cū igitur ante
 Lutherū vera Ecclesia fuerit verbū Dei
 syncerum ac Germanū in ea fuisse certū
 est. Eam enim omnes intelligunt veram
 Ecclesiam in qua legitimū Dei verbum,
 & Sacramenta habentur. Tanta autem
 fuit in Luthero arrogantia quantam in
 nullo Hæreticorum legi vnquam, non

P R Æ F A T I O

enim solùm sanctissimos vetustissimosq;
 Patres, quos ob præclara in Remp. Chri-
 stianam merita, ob prostratos ac euersos
 antiquos errores omnis ætas coluit, susq;
 deq; habuit, atq; magnis contumeliis af-
 fecit, sed etiã totius orbis, atq; omnium
 Nationum conspirantẽ cõsensum indi-
 gnissimè repudiauit, reiecit, cõtèmpsit.
 Solus enim Magister in toto Orbe ac o-
 mnium Iudex & cēsor haberi; solus alios
 docere, à nullo doceri voluit. Vnde sibi
 tantã authoritatẽ vendicauit Lutherus?
 quia Propheta & à Deo inspiratus fuit,
 respõdebit Lutheranus. O præclarũ Pro-
 phetã. Túmne diuino spiritu tanquam
 sessore agitatus fuit Lutherus, cùm Im-
 peratorem, Reges, Principes ac omnes
 ordines grauissimis conuitiis est insecta-
 tus? Cùm summos Reipub. Proceres ac
 Monarchas moriões, stultos appellauit?
 Cùm eos contemnendos ac nullam iis
 obedientiam præstandam docuit? Cùm
 classicũ deniq; ad arma contra Principes
 sumenda eosq; delendos cecinit? Quis
 prophetarum egit sic vnquam? non sic
 veteres

AD ILL. BAVARIÆ DUCEM.

veteres vates, non D. Ioan. Baptista, non humani generis conseruator, non Apostoli multorum miraculorum gloriâ illustres ac sapientissimi religionis Christianæ propagatores sic egerūt: sed summos Magistratus colendos, & in honore habēdos docuēre. Obedire nos p̄positis etiā discolis hortatur D. Paulus: Cæsari quæ Cæsaris sunt reddēda Christus præcepit, quàm belle hæc cū Lutheri Evangelio conueniunt? Hinc nō est mirum, si tot mala ex hac falsa doctrina senserimus ac expertifuerimus. Quid aut̄ mali his difficilimis temporibus nō vidimus? Dolemus cruore humano maduisse Germaniam, Luthero culpa ascribenda est; dolemus multa millia rusticorum cæsa; causa tātę cædis fuit Lutherus: dolemus bello ciuili arsisse Germaniā; faces iniecit Lutherus: dolemus deniq; templa ac monasteria passim euersa; euertit Lutherus. Sed vt in dicēdo progrediar: Tūmne Prophetam egit Lutherus, cū Deum, homines ad malum impellere, ac omnia necessariò euenire docuit? Nō igitur nos,

A 5

sumus

P R Æ F A T I O

sumus & peccamus sed Deus, à quo coacti ad omnia impellimur, vnde in ipsum, tanquam in autorem, omnia mala referenda erunt. Sed quis hæc audiendo nõ perhorrescat? An non hoc est religionẽ Christianã extirpare, è medio tollere & Atheismũ introducere? Si enim omnia non liberè sed necessariò & impulsu facimus, nulla igitur p̃mia bonis, nec p̃cænæ malis: si nullum præmium bonis? frustra igitur speramus æuum sempiternum; si nullæ p̃cænæ malis constitutæ sunt? nec supplicij locus nec infernalis aliquis tor- tor? atq; ita dicere quis cum Epicuro poterit: ede bibe lude post mortẽ nulla voluptas? Quid ita? quoniam animus cum corpore interit. Hũc in scopum Lutherani collimârunt clã multi, aliqui palàm eum attigerunt. Nam fertur hoc nostro tempore (quod maxime deplorandum est) non deesse qui dicant diuina prouidentia hunc mundum nõ gubernari, nõ extare aliquam mentem, quæ huic orbi præsitet ac hominum curã habeat, nullam esse fidẽ nostram, oēs opiniones de Deo,

de

AD ILL. BAVARIÆ DUCEM

de cultu diuino, de bonis malisq; operibus, deniq; de salute hominum esse aniles fabulas, hanc vnicam legem ratam esse firmamq; præ omnibus hominē penitus extinguī, nec sensum eius ullū post mortē relinqui. Omitto reliquos de Christi humanitate & diuinitate errores; taceo infinita alia absurdissima dogmata ac pl^{us} quam puerilem leuitatem & inconstantiam, vt planē existimem nos longē dēfioribus velari, quā Ægyptij sunt olim immerſi, tenebris, quod fraudes illas, & errorū scopulos in quos nos turbulēti ac seditiosi quidam homines impellunt nō conspiciamus: sed hæc alto Dei consilio & iusto iudicio relinquenda sunt. Cū itaq; Princeps Illustris. multos annos in Philosophia & Theologia Romæ consumpsissem ac discrepantes distractasq; opiniones non sine sempiterno multarū animarū exitio ac iactura cōsiderāssem, nihil me vtilius ac fructuosius facere possē cogitauī, quā si cū pro singularibus sedis Romanæ in me meritis, tū p̄ incredibili veteris religionis cōseruandæ, tuendę & augendæ

P R Æ F A T I O

augendæ studio atq; desiderio breuiter aliquid scriberem, quò seductum populum iuuarem ac cōcessum à Deo ingenij donū (quod sane est exiguū) in vtilitatē Patriæ conuertetē. Quod quidem onus suscipere etsi mihi difficile videbatur; tamē virium mearum periculum facere volēs eam materiam sum aggressus, quā totius vitæ Christianæ fundamentum & salus continetur; nimirū vitam æternam nō fide solū, sed Sacramentorū vsu, & virtutū actionibus comparari; vt Epicuræam illam Lutheranorū opinionem, qui fidem solam ad salutem sufficere docuēre confutarē. Quam lucubrationem sub T. Illust. Cels. nomine in lucem exire, ac tibi dedicare volui, qui in propugnanda auita Maiorū nostrorū religione & falsis dogmatib. propulsandis principatū tenes. Etenim dicā hoc, ceterorum pace, si vllus est Princeps in Germania qui ob labores, & studium in retinēda & cōseruanda pristina fide laudem mereatur, Tu sanē immortalī gloria dignissimus es, qui, vt antiquam religionē integram

AD ILL. BAVARIÆ DUCEM.

gram inuiolatamq; cōseruares, nulli labori ac vigiliæ pepercisti. Tu cū longè latèq; serpsisset Lutherana contagio ac nō paruam Germaniæ partē occupāset Bauariāq; à factiosis quibusdam hominibus in Ecclesiasticas dignitates & opes inhiātibus tētata esset, omni studio, curā ac industriā incubuisti, vt pestilētes hos homines lōge à ditione tua propelleres, ne quid detrimenti amplissima tua Pro- uincia, ad cui⁹ Te gubernacula Deus vocauit caperet; néue rerū aliqua mutatio ac seditio oriretur. Fefellerunt vigilias tuas Pseudo,pphetę, seducti sunt aliquot Bauari & ad impietate traducti, huic malo tēpestiuè occurrendū ratus (incredibili enim mentis altitudine præditus nō ignorabas modicū fermētum integram sæpe massam corrumpere; ac vnā ouem cōtagiosam totum gregem inficere) generalem quandam inquisitionē, vt Pro- uinciā tuā purgares doctissimis Viris ad tantū opus adhitis instituisti, tanta seueritate, vt eos oēs qui de religione malè sentirent, aut animum mutare, & ad Ec-
clesiā

P R Æ F A T I O

clesiæ Romanæ auctoritatem redire aut
 aras & focos relinquere cōpelleres. Quæ
 res ab omnibus laudata à multis frustra
 tentata adeo fœlicem successum D E O
 Opt. Max. singulari aurâ ac fauore cona-
 tus tuos prosequēte habuit, vt exigui tē-
 poris spacio Bauaria omni malo ac vene-
 no liberata & exhausta fuerit. Qua qui-
 dem ex re tantam gloriam cōsecutus es,
 vt non solùm in Germania sis notus, sed
 exteræ quoq; Nationes honorificētissi-
 mē de te loquantur; Hispani, Itali, Galli
 pleno te ore celebrēt, ac acerrimum Te
 religionis Christianæ propugnatorem
 ubiq; p̄dicent. Quid hīc restituta multis
 in locis antiq̃ religionem, quid pericula
 & graues inimicitias ob religionis nego-
 tiū susceptas, quid sumptus quos in alen-
 dis viris doctrinâ præstantibus facis quā-
 maximos commemorē? hoc verē dicere
 auserim, nisi tua incredibilis ac planē diui-
 na virtus extitisset, Rempub. nullam ha-
 beremus, nullus iam in Germania veteri
 religioni esset locus. Ecclesiarū bona di-
 repta, Episcopat⁹ occupati, monasteria,
 &

AD ILL. BAVARIÆ DVGEM.

& Abbatie expilate iam pridē fuissent, vt
 planē mihi persuadeā te diuinitūs nobis
 & vniuersæ Germaniæ natum. Vnde nō
 immeritō Catholici Principis nomē tibi
 à summis Pōtificibus tributū fuit, quem
 honoris Titulum te adeptū honorificū
 in primis & ad immortalitatem glorio-
 sum ducere debes. Quid. n. esse potest
 præclarius ac magnificētius, quā ab iis
 ornari, qui in Reip. Christianæ specula à
 Christo constituti sunt. Multū certē tibi
 debemus Princeps Ill. qui T. Ill. Celsitu-
 dis ditioni subiecti sumus, vniuersa etiā
 Germania te nō secus ac Patrem patriæ
 colere & venerari debet. Non est hic lo-
 cus sapientiam tuā prædicandi quæ tāta
 est, vt omnium in Te oculi conuertātur, vt
 nō solum Te potētissimus Saxonie dux
 Augustus, Princeps celeberrim⁹, in quo
 præter Catholicā fidem nihil quisquam
 desideret, sed ceteri etiā Germaniæ Prin-
 cipes diuersis sectis addicti Te admiren-
 tur, ament, ac in oculis ferant. Tanta est
 vis virtutis, vt inimicos ad sui amorē tra-
 hat ac distractos etiā animos conciliet.

Quod

P R Æ F A T I O

Quòd si eæ Resp. quæ à sapientib. guber-
nantur, beatæ sunt (vt magnus ille Plato
docuit) foelix ac iterũ iterumq; beata est
Bauaria, q̃ sub T. e Principe beatissimè cõ
quiescit. Hac igitur causâ cõmotus hoc
scriptũ Ill. C. T. nuncupandũ cẽsui. Huc
accedũt paratissima semper M. Vvolph-
gangi Gothardi Profefs. Ingolstadiensis
patris, & D. Ioannis Gothardi Căcellarij
Passauiesis fratris mei piæ memoriæ, Ill.
domui Bauaricæ obsequia, quorũ ille 25.
annis & ampliũ politiores literas Ingol-
stadij magna cũ laude professus est: Hic
Monachij aliquandiu non sine omnium
admiratione in foro perorauit, ac causas
forenses tractauit. Horũ igitur instituto
& vestigiis insistens totum me T. Ill. C.
omniaq; mea studia addicere & in patro-
cinium humilimè dedere volui. Accipe
igitur beneuolo animo, Princeps Ill. hãc
meã exiguã & impolitam lucubrationẽ
ac primos ingenij mei fœtuse qui boniq;
cõsule, quos si T. Ill. C. probari sensero,
efficiar ad maiora alacrior. Patauij,
1577. prid. Cal. Maij.

DISPV TATIONIS

ADVERSVS NOSTRÆ

TEMPESTATIS HÆRETI-

COS DE BONORVM OPERVM

& Sacramentorum necessitate,
Pars prima.

CVM communem Reipubli-
cæ Christianæ statû, ac præ-
sertim Patriæ nostræ misera-
bilem ac deploratam condi-
tionem, infœlicissimâq; tempora, in quæ
fato nescio quo incidimus, siue potius di-
uinitûs reseruati sumus paulò altiùs mecû
perpêdo (patres Reuerendi cæteriâq; Au-
dit. ornatissimi) doleo vehementer, atque
grauiter molesteq; fero, paucorum furo-
re atque scelere, eò rem deuenisse dedu-
ctamq; esse, vt ab interitu excidioq; abesse
longiùs non videatur. Quis enim vestrûm
ignorat, quos tumultus præclari illi, si Dijs
placet, augustissimorum oraculorum in-
terpretes diuiniq; verbi præcones, quos,
inquam, tumultus comouerint, quæ in-
cendia toto terrarû orbe excitârint, quas
procellas, atq; tempestates, quibus Rei-
publicæ

publicę christianæ nauim tãq; turbînibus
aut fulminibus perculsâ opprimant, atq;
euertant, concitârint? Atq; eò doleo vehemētiùs, quòd hisce calamitosissimis atque funestissimis tēporibus, pro ijs nobis sit depugnandum atque decertādum, quæ inuictissimi illi, ac sapientissimi religionis nostræ duces, atque autores certa ac firma fide tenenda posteritati tradiderunt. Quę Maiores nostri, viri singulari sapiētia, atque incredibili mentis altitudine præditi, constantissimè ac religiosissimè retinuerunt, nobisq; pari studio colēda ac obseruanda reliquerunt. Doleo, inquam, quòd iniquissima conditione ea nunc probare cogamur, de quibus disputare, ne dicam, dubitare, pudere nos deberet. Ea enim est ingruentium hostium vis, atque audacia, vt non solùm veræ auitæque Maiorum nostrorum religioni multa falsa de nouo asingere audeant, verū etiam nos omnes de antiquissima plurimarum veritatum sede ac possessione deiicere, depellere, atque deturbare summa ope ac viribus conētur. Quamobrem iusto dolore cōmotus, minimè ab instituto nostro alienum, neque vobis ingratum fore existimaui, si perutilē

Iē aliquam, atque hac turbulētissima tem-
 pestate vehementer necessariam contro-
 uersiam disputationemque paulò vberius
 atque copiosius pertractandam suscipere,
 atque quorundam sceleratissimorum ho-
 minum impias fraudes, quibus imperitæ
 multitudinī imponunt, detegerem, ipso-
 rumque detestandum errorem sub aspec-
 tum intuitumque vestrum subijcerem. Sic
 enim fiet, vt quid in reliquis de ipsis senti-
 endum sit, faciliè intelligatis, et vos rei in-
 dignitate et patriæ clade excitati incredi-
 bili patriam iuuādi studio exardeatis. Sus-
 cœpi itaque eam veritatem defendendam
 in qua asseritur, Fidem à diuino amore se-
 iunctam atque seuulsam parū, aut nihil
 ad salutem prodesse, quantū breuissimè
 probauero. Quēso vos obtestorque, Audi-
 tores, vt qui adestis corporibus, animo
 atque attentione adesse quoque velitis. Atque
 vt ē portu tādē soluens in altū mare ple-
 nis, vt ita dicā, Velis feratur oratio nostra;
 an non hoc præclarum lumen Reipublicę
 Christianę D. paulus, publicis monumētis
 memorię posteritati que consecratis ex-
 pressum testatumque reliquit, cū ad Ro-
 manos 2. cap. ita scripsit? Nō auditores le-

DE BONIS OPERIBVS

gis iusti sunt apud Deum sed factores legis iustificabuntur. Quid, queso, ad Galat. prima; ad corint. 5 cap. aliud voluit significare, quàm ad vitam æternam comparandã præclaras honestasq; actiones omninò esse necessarias dum ait ꝑ dico autem vobis quia iniqui regnum Dei non possidebunt. Per iniquos autem D. paulum non solùm Ethnicos, hominesque falsorũ cultui Deorũ addictos, verũ etiã Christianos fædissimis scelerib. inquinatos atque omni turpitudinis genere oppressos intelligere, est ita clarũ, vt nullus sanæ mentis negare ac inficias ire possit. Decimo verò quinto eiusdem Epistolę capite quid aliud clamat, quid aliud intendit, q̃; fidem charitatis præsidio nudatam infirmam esse, ac nihil ponderis momentique ad salutem consequendam habere? cùm inquit, si habuero omnem fidem, ita vt montes transferam, charitatem, autem non habuero, nihil sum. En D. Paulus, cuius autoritas iurè, meritoque apud nos omnes plurimùm valere debet, clarè docet, fidem solam ad salutem nõ sufficere. En hoc capite confirmat inanem esse omnem nostram spem, inanem contentionem, inanes deni-

denique atque inutiles omnes labores nostros sine charitate susceptos. Quid igitur ad sententiæ nostræ confirmationem desiderari potest amplius? Hic cum se aduersarij nostri grauitè premi atque vrgeri nō ignorēt, quos Mæandros sequantur, quas flectiones atque latebras quærant, vt certissimum telorum nostrorum ictum deuissent, diligēter, queso, animaduertitote. Nō minùs enim subtiles Philosophi quā profundi Theologi duo precipua genera fidei, historicum nimirum atque Christianum, non tam è sacris literis eruerunt, quàm ex proprio cerebro deprompserunt. Qua quidem tam subtili inuētiōe plurimum triumphantes, ac tanquam de victoriā parta encomium, vt in prouerbio est, canentes, è manibus nostris euadere conantur, abundeque se nobis satisfecisse videri volūt, si clarissimum virum D. Paulum in illo loco non de vera ac Christiana fide, sed de historica tantū sermonem habuisse dicūt. O præclaram Responzionem, O audaciam incredibilem, O impudentiā predicandam. An non hoc vt sacris paginis vim inferre earumque germanam intelligētiam abstracta atque violenta explanatione ne-

fariè polluere, ac prophanare? An non
 hoc est in explanâdis atque enodandis sa-
 cræ scripturæ locis grauissimorum virorū
 authoritati conspiranti, Ecclesiæ consen-
 su, apertissimo denique clarissimoq; con-
 textui stare nolle, sed neglecto, repudiato-
 que totius terrarum orbis iudicio, propri-
 um sensum sequi velle? Atque certè, quàm
 falsa ac à vero aliena sit ipsorum expositio,
 quilibet vestrum haud difficulter intelli-
 gere poterit, si paulò attentius locum prædi-
 ctum mentis oculis perlustrauerit. Non
 enim præstantissimus vir D. Paulus ad eos
 scribit, qui cæcis ignorantia tenebris, atq;
 tenebrosissima gentilitatis erroris caligi-
 ne oppressi iacebant, sed eos alloquitur,
 qui clarissima diuinæ veritatis luce illu-
 strati, animo ac voluntate vehementer dis-
 sidebant. Quod sanè vel ex eo apertū ma-
 nifestumque euadit, quòd eorum, ad quos
 scribit, non tam fidē veram desideret, quā
 coniunctionem mutuamque beneuolen-
 tiam requirat; neque eos tam perfidiæ no-
 mine accuset, quàm de mutuis atque in-
 testinis odijs ac dissensionibus grauiter re-
 prehendant. Quid igitur nunc nostri respō-
 debūt præclari Euangelici? Hærebūt (Au-
 ditores)

ditores) atque quô se vertant nescient; ne tamen omniò tacere videantur, vtque suū errorem quibusdam verborum inuolucris tegant, fidem à charitate non distinguunt dicunt. Hic primùm suam produnt ignorantiam, stuporemque incredibilem toti terrarum orbi deridendum exponūt. O profundos Theologos, O subtiles Philosophos; vbi est vestra, quam tam crebrò prædicare soletis, singularis sapientia? vbi admirabilis illa, quā plenis faucibus personare soletis, rerum diuinarum humanarumque cognitio? O pestes, O labes, O tenebræ. An nō videtis vos charybdim vitare volētes scyllam incidisse? Adeò ne estis, non dicam, Theologiæ, sed etiam philosophiæ ignari, vt crassissimum vestrum errorem ipsi non comprehendatis? Tanta ne caligo mentis vestræ aciem perstrinxit vt lucem claram intueri nō possitis. Etenim, Audit. vt longè alia fortissima argumenta, quibus tam execrandum errorem labefactare ac funditus euertere possem, studio prætermittam, vnico nunc eos telo ex instructissimo philosophiæ armamentario deprompto, prosternā. Quis enim est, vel mediocriter in philosophia versatus, qui

collationem inter ea quæ idē sunt esse non posse nesciat: Dicet quilibet, nō dico, philosophus, sed quicumque huius nominis vim inspexerit contentionem nō eorum, quæ idem sunt, sed pariū similibusque esse. Verū cū præclarissimus gentiū Doctor in fine citati capitis diuinas hasce virtutes, Fidem, Spē, Charitatemque inter se cōferat, et, quod longe maius est, charitatem cæteris omnibus anteponat, quis erit adeò rudis qui fidem à charitate distinctā esse non videat? Quis adeò vestrū similis qui vos, tanquam pestilentissimos homines, fraudulentissimosque impostores longe à Republica arcendos non arbitretur. Sed quoniam horum importunissimorū hominum absurdissimas responsiones refellēdo, lōgius quàm volebam lapsus sum breuiter eō vnde digressus sum reuertar. Firmissimum verò Reipublice Christianæ presidium atque columen D. Petrum hanc veritatem expressisse quo ore negare poterūt. Testis est prima sua epistola in cuius secundo capite his verbis vtitur: Satagite, fratres, vt per bona opera certam faciatis vestrā vocationē et electionē. Neque certē viuum prope innocentiae ac integritatis
exem-

exemplum D. Ioannes obscure hoc nobis scriptum reliquit, cum ut aliis, exemplo, moribus ac innocentiam præluceamus grauissimis nos verbis est adhortatus Quid verò de clarissimo Reipublicæ ornamento D. Iacob dicam? qui, me hercle, adeo est logicus atque copiosius in hac veritate prosequenda, ut aduersarii nostri tot tamque claris testimoniis conuicti, cum se aliter stare, ac saluos in columesque esse non posse probè intelligant, ad contumelias conuitiaque, more suo, sese conuertere eiusque epistolæ authoritatem eneruare, infringere, conuellere, eamque tamque stramineam (placet enim ipsorum verbo uti) ac tanto viro minimè dignam è sacratissimorum librorum numero expungere, atque ex hominum memoria penitus tollere cogantur. Atque ne longius abeamus ipsum humani generis salutis autorem consulamus, eumque sic loquentem apud Math. 19. cap. audiamus: si vis ad vitam ingredi serua mandata. En Christus omnis veritatis fons vberimus, si tandem aliquando ex optatissimo illo beatitudinis portu perfrui velimus, necessariam nobis diuinorum mandatorum obseruationem præ-

lam profitetur. Quid igitur nostra veritate potest esse certius? Matth. verò 22. cap. à principe quodam viro, de maximo grauiſſimoque omnium mandatorum interrogatus, non fidem hoc eſſe, ſed ſummum erga Deum amorem, reſpondit. En Chriſtus os ſapientiæ, verbum Patris, morum ac totius vitæ noſtræ magiſter, ſalutem noſtram non in fide ſola conſiſtere, ſed in ardetiſſimo erga Deum, hominesque amore ſitâ eſſe, clarè teſtatur. Quis igitur eorū impudentiam, qui æternam felicitatem, in fide nuda poſitam atque conſtitutam eſſe volunt, ac publicè proclamare audent, nō admiretur, execretur, atq; deteſtetur? Non dubito, Aud. quin vel hæc ſola tã clara atque manifeſta teſtimonia cuiſlibet veſtrūm ad fidem faciendam ſententiamque noſtram corroborandam abundè ſufficientia videbuntur. Sed quoniã cum hominibus perfrictæ frontis, ac egregiè impudentibus agendum mihi eſt, quiue pudorem ſimul cum ratione exuerunt, veniam dabitis, atque ignoſcetis, ſi paulò fuero longior. Itaq; vt in incepto diſputationis curſu progrediar, quæro ab iſtis concionum procellis, quibus humani generis conſeruator

ET SACRAMENTIS.

uator verba hæc sit dicturus: Venite benedi-
 dicti Patris mei, percipite regnū, quod pa-
 ratum est vobis ab origine mundi. An iis
 solū, qui diuini amoris plenī ex hac vita
 emigrauerint hoc dictum iri negare pote-
 runt? An non Matth. 7. affirmat: Nō omnis
 qui dixerit mihi, Domine, domine, intrabit
 in regnum cælorum, sed qui fecerit volun-
 tatem Patris mei. Ioannis verò 5. cap. nō-
 ne asserit; procedent qui bona egerunt, in
 vitam æternam, qui verò mala fecerunt in
 resurrectionem iudicii. Atque (vt infinita
 alia prætermittam) quoties nobis, nisi pe-
 nitentiam agamus, et in omni virtutum
 genere nos exerceamus, interitum atque
 perpetua supplicia minatur? quoties om-
 nem arborem frugem bonam non feren-
 tem excindendā, Vulcanoque consecran-
 dam fore, apertè disserit? Quos, quæso, ali-
 os, homo ille apud Matthæū 22. cap. vestem
 nuptialem non habens, et apud eundem
 25. quinque fatuæ virgines referunt, quā
 Christianos virtutū ornamentis atq; cha-
 ritate destitutos? Sed quid ego in re tam
 manifesta cōquirendis testimoniis lōgius
 inmoror, plena sunt hac de re augustissimo-
 rum vatū oracula, plena nouæ legis monu-
 menta,

menta, pleni sanctissimorum virorum libri plenæ deniq; sapientum voces. An non ex tot tantisque locis, clarè cernunt, bona opera si hac vitâ functi ad cœlum migrare cupiamus, summopere esse necessaria? O miseros, si tandem aliquando intelligant, miserieiores si nō intelligant satis superque sententiæ nostrę veritatem perspexisse vos arbitror? nunc quid aduersarij nostri sentiant, breuiter auditote. Dicunt itaque, atque quantum voce possunt, contendunt fidē solam ad salutē sufficere eiusque solius præsidio tutò ac securè ad felicissimā illā beatissimarum mentium sedem euolare nos posse affirmant. Eam quidem doctrinam non se humanitùs didicisse, sed diuinitùs accepisse nō ex suo capite finxisse, sed ex limpidiſsimis Euangelii fontibus hausisse lætantur, atque glorianur. Etenim inquirunt, quibus, quæso, verbis clarissimum Reipublicæ christianæ lumen Diuus Paulus clariùs hoc nos docere potuit, quàm cum magnum illum Abrahamum sanctissimosque veteres patriarchas non ex operibus legis sed ex fide sola iustificatos esse sæpius fatetur: sic enim, aiūt, passim, scribit credidit Abraham Deo & reputatum est
illi

illi ad iustitiam. Ac ne quis existimare possit mūdi conseruatorem ab ipsorum parte non stare, minimè sibi pro hac re confirmanda grauisissima locupletissimaque humanæ libertatis vindicis testimonia deesse prædicant. Hoc enim eum expressè tradidisse omnibus illis in locis volunt, in quibus iustos ex fide viuere et in se sperantes nunq̃; perituros affirmat. Illud autem maximè vrgent, atque Achillis loco dicūt quod Math. 9. habetur, fides tua saluam te fecit. En claram hæreticorum sententiam, en validissima, firmissimaque ipsorum testimonia. Quis igitur de ipsorum doctrine veritate, ac robore ambigere eamque de cælo profectam esse dubitare poterit? O præclaram nostram conditionem, O tempora felicia cunctisque mortalibus vehementer accepta. Erupit tandem aliquādo in apertum latens atque obscura veritas affulsit aliquādo tandem Rēpubli. Christianæ clarissima illa lux, quæ suo splendore depulsa profligataque longè lateque densissima oculorū caligine totum terrarū orbem illustret. O incredibile ei immortalis benignitatem. O clementiam prædicandam. Respexit nos tandem aliquando.

Aud.

Aud. diuinum Numē, atque, ne omnes cō-
 sideremus atque in Acherontem præcipi-
 tes rueremus, matura ac salutari nos ope
 recreauit. Excitati sunt tandem aliquando
 summi illius rerum omnium opificis be-
 neficio; siue potiùs de cœlo dimissi præcla-
 ri ac diuini quidam homines, qui Rem-
 publicā Christianam iacentem erigerent,
 stratum subleuarent, euersam restituerent,
 obscurissimis errorū tenebris circumfu-
 sam acerbissimoque operum iugo oppres-
 sam in clarissimam lucem iucundissimam-
 que libertatem assererent atque vindica-
 rent. Ec quis igitur erit tam impius ac tam
 parū de salute sua sollicitus, qui præpotē-
 ti Deo, pro tā diuino atque immortali be-
 neficio, gratias non agat, quantum possit,
 maximas? Quis tā ingratus, qui vos, Luthe-
 re, Mathia Illirice, Nicol. Ambsdorphi, ut
 viros præclaros ac diuinitus ad Reipublicę
 salutē natos: ob nauatam præclaram ope-
 ram, ob maximos labores in omniū mor-
 talium salutem impensos, ob Rempu-
 blicam denique Christianam cōseruatam,
 ac ab operum tyrānnide liberatam, omni
 honorum genere afficiendos atque exor-
 nandos esse non censeat? O miseros atque
 infeli-

infelices Maiores nostros? quis, queso, est tam durus, ac ferreus qui ipsorum vicem non doleat? Diue Augustine ne quid est, quòd necessitatem bonorum operum tanto studio atque contentione defenderis ac propugnaueris? Quid sibi uult, quòd singulari eruditione atque incredibili sapientiâ præditus, in re tanta tam grauer erraueris turpiterq; impeggeris? Sed quid mirum, homo fuit, labi ac errare potuit, non dignus, cui Deus abditissimorum quorumcunq; intelligentiam tribueret. D. Hieronyme misereor tui, quid est, quòd spretis contemptisque dulcissimis voluptatum illecebris, tanta crudelitate in corpus tuum defæuieris teque laboribus, fame, vigiliis, aliisque corporis attritionibus cōfeceris? D. Ambrosi, Basili, Chrysostime, Gregori Nazianzene, cur vobis tam malè consulistis, cur a domini, genio non inferuiistis iucundissimumque huius cœli spiritum, suauissimamque lucis vsuram in summis voluptatibus non traduxistis? O stultos Antonios, Franciscos, Dominicos Benedictos. O amentem Brunonem, rusticum Ignatium, nulliusque consilii omnes veteres Patres, atq; omnes omnium ordinum

num ac religionum Duces atque autores. Vtinam tantis viris ad vitam redire integrum esset, nō enim dubito, quin aliam viuendi rationem viamque ingrederētur, vestramque doctrinam vtpotē celitūs hauritam gratissimis animis obuiisque, vt in Prouerbio est, vlnis amplecterentur. Sed quoniam in eo statu iam versantur, vt nullo auxilio humano iuuari ampliūs possint, non est quōd magnopere de ipsorum salute laboretis, atque oleum operamque (vt aiunt) perdatis, aliō sunt consilia, cogitationes laboresque vestri cōuertendi, multi adhuc hodie sunt, qui inueterato illo ac fatali errore decepti, ac falsa superstitione inducti existimantes nemini sine labore ac virtutum studiis expeditum ad iucundissimam illam beatissimarū mentium sedē pātere aditum, in abdissimas atque ab hominum consuetudine conspectuq; remotissimas abdūt se solitudines? Quid, cessatis eos ab incepto vitæ instituto reuocare? multi adhuc hodie reperiuntur, qui vt ex tempestuoso turbulentoque pelago salui atq; incolumes euadant, ad claustra sacrorum collegiorū, tanquam ad tutissimos tranqui-

tranquillitatis ac salutis portus cōfugiunt,
quid cessetis eos à tanto errore ad sanio-
rem mentem traducere? multi adhuc hoc
nostro tempore incitatissimo in virtutis
pietatisq; studia impetu rapiuntur, cogi-
tate paulum, quibus verbis incensam eo-
rum cupiditatem comprimatis ac restin-
guatis. Quis, quæso, hos homines æquo
animo ferre posset? quis non eos, tanquam
atrocissimos Reipublicæ Christianæ ho-
stes, pacis ac otij turbatores, iuris diuini
atque humani contemptores fugiendos
& repellendos censeat? quis tantam arro-
gantiam tamque intollerabilem dicendi
libertatem comprimendam non statuatur?
Vos ne, impurissimi ganeones, sanctiores
Antonio, Francisco, Dominico; sapientio-
res Augustino, Hieronymo, Basilio? facio
iniuriam clarissimis ac integerrimis viris,
quòd eos cum his tenebris conferre co-
ner, conferam tamen, pace tantorum vi-
rorum, ut ipsorum insania clariùs eluce-
scat. D. Antonius tãta sanctitate floruit, ut,
quod hominis ætas admiratur atq; obstu-
pescit, non hominũ sed volucrum in cibis
asportandis operã vsus fuerit. D. Fran-
ciscus ea fuit morum integritate ac vitæ

innocentiâ præditus, vt Christi colloquio
 atque consuetudine nihil habuerit fami-
 liarius. Hisne vos lutulenti sues nõ solùm
 conferre, sed etiam anteferre audebitis?
 D. Augustinus & Hieronymus (vt de aliis
 taceam) tanto valuerunt ingenij acumine,
 mentisq̃ue sagacitate, vt cœlum penetrâ-
 rint, altissima & abstrusissima quæq̃ue in-
 uestigârint, eaq̃; quæ humanæ mentis an-
 gustias excedere longissimè videbantur,
 fœlicissimè sint affecuti. Vósne plûs his
 sapietis, maioremq̃ue vobis rerum diui-
 narum cognitionem tribuetis? Vósne to-
 tam antiquitatem grauissimi erroris con-
 demnabitis, omnesq̃ue Maiores nostros
 ad inferos relegabitis? Scilicet, vos soli
 docti, illi imperiti, vos soli sapientes, illi
 stulti, vos soli sancti, illi profligatæ vitæ. O
 rem indignam, ô superbiam minimè fe-
 rendam, quousq̃ue tandem progredietur
 hæc tanta iactantia atque temeritas? quo-
 usq̃ue nobis verba dari ac imponi patie-
 mur? vbi est nostra in Maiores nostros pie-
 tas? vbi amor vbi religio? Hæcne insignem
 antecessorum nostrorum iniuriam inul-
 tam relinquemus, atque ab ipsorum cine-
 ribus non vindicabimus? Quid autem
 potest

potest dici grauius,quàm Maiores nostros omnes in densissimis ignoratiæ ac errorû tenebris iacuisse, huiusque corporis vinculis solutos in cacodemonis crudelissimi Tyranni manus, potestatemque incidisse. Te te, Martine Luthere, pestem patriæ,bustum Reipublicę Christianę appello,te, inquam,quem suorum scelerum penas dare,& perpetuis suppliciis apud inferos excruciari dubium non est, alloquor: Qua, quæso, fronte, quo errore tantum errorem in orbem terrarum inuehere,pestilentissimumque dogma in Rempubicam Christianam enomere ausus fuisti? Non te perpetuus Ecclesię consensus, non vetustissima traditio, non te denique omnium sanctissimorum Patrum autoritas commouit? Verùm quî te hæc commouissent, quem non debita erga Christum religio, non iura diuina atq; humana, non ratio deniq; ipsa in officio continere potuit? Quis igitur te tantus furor occupauit? An non cernebas te humani generis salutis authori grauissimi mendacij notam inurere. Quòd si enim tantæ tenebræ vniuersam Rempubicam Christianam inuaserunt,vt tu omnium mortalium impu-

dentissimè dicere non erubuiſti, quo pacto illud diuinis ſuis promiſſis, quibus ſe ſemper Eccleſiæ ſuæ adfuturum, neq; eam vnquam deſerturum, aut vt in errorum ſcopulos impignat paſſurum ſponſondit, conueniet? Qua igitur ratione ipſum à tali culpa maculaq; liberabis? Agè verò, an nō videbas, te eūdem in inuidiam odiumq; omnium vocare. Nam ſi ſuperflua, ne dicam, ad ſalutem pernicioſa, ſunt bona opera, quorſum igitur illa tantoperè nobis commendauit, quorſum amātiſſimos ſui diſcipulos tot labores ſubire, equuleū, cruciatus, tormenta, verbera perpeti, vitā deniq; ac ſanguinem profundere voluit. Miſera ſanè atque deploranda eſſet conditio veſtra, fortiſſimi inuiſtiſſimiq; religionis Chriſtianę propagatores, D. Petre & Paule, ſi tantorum laborum ac miſeriarum præmium nullum reportāſſetis. Cru- delis Chriſtus, ne dicam, immanis, ſi eos, qui nomen ſuum per totum terrarum orbem illuſtre reddiderunt, ac flumine ſanguinis fidem Chriſtianam longè lateq; propagauerūt, nullo honore cumulāſſet. Verū, quā hoc ſit alienum Chriſtiq; clementia atque incredibili erga amicos ſuos

suos benignitate indignum, quivis qui de rationis statu non discesserit, facile iudicare potest. Quòd si enim in hac vita, eos qui pro Regum ac principum honore, durum ac asperum prælum subierunt, amplissimis muneribus affici, maximisque dignitatibus augeri passim conspicimus, existimare, Christum erga suos fidelissimos amicos honorisq; sui defensores ingratum fore, minimeque cumulatè ipsorum meritis satisfacturum, non solum nefas est, sed etiam impium. Certum enim est, idque sacris paginis expressum, libertatis nostræ parentem, nullius boni immemorem fore, neque vel vllum malum sine supplicio, vel bonum sine mercede præteriturum. Atque huc spectat illud qui plus seret, plus colliget, & huius generis infinita alia, quæ alibi, ubi locus opportunitasue tulerit, fusiùs discutientur. Cum igitur homines innocentes suorum laborum fructum referre maximum, ipsorumque bonis operibus copiosissimam mercedem respondere, necessariò, (nisi gravissima in Christum, conuitia iacere, ipsumque crudelitatis nomine asperrimis opprobriis contumeliisque onerare velimus)

DE BONIS OPERIBVS

Iustus in o-
mni opere
bono pec-
cat.

mus) fateri cogamur, quis erit ita mente
captus, qui quàm falsa ac absurda sit nostræ
tempestatis hæreticorum opinio omnia
bona opera inutilia ac pestifera asseren-
tium, clarè hinc non perspiciat? Magnum
habēt hæc, Audi. si res æquitatis statéra ex-
aminetur ad reprimendam Lutheranorū
audaciam, errorisq; falsitatem ostenden-
dam robur, ea verò quæ sequuntur nō mi-
norem habere vim, si rem diligenter per-
penderimus, intelligemus. Quamobrem,
vt ad te reuertar, Luthere, vel singularem
cæcitatem admirari, vel insignem puer-
sitatem execrari satis non possum, quòd
tanto exarseris erga bona opera odio, vt
ea prorsus abiicienda ac negligenda esse
censueris, populoque fidem solam ad sa-
lutem sufficere persuadere conatus fueris.
An enim hoc non est, hominibus amplif-
simam debacchandi, atq; in vitia se ingur-
gitandi facultatem concedere? An non
hoc est Iuuenum animis incredibili libi-
dinis æstu deflagrantibus ardentes faces
ministrare? An denique hoc non est sepul-
tam ac in profundo inferorum demersam
Epicuri doctrinam, ab inferis ad lucem
reuocare? Quid, quæso, hoc est aliud, quàm
virtu-

virtutem profligare, bonos mores, innocentiam, integritatem in exilium ablegare, insita hominum animis pietatis semina radicitus extirpare, vitæ denique societatem è medio tollere? Etenim, si ad æternam beatitudinem comparandam parùm refert, benè ne quis an malè viuat; quis nõ sibi eam viuendi viam incundam existimabit, quæ omnis doloris, laboris ac miseriæ expers, plena sit voluptatum? quis non, abiecto virtutis studio, omniq̃ pietatis curâ deposita, liberè voluptatibus indulget, atque impuræ cupiditatis frænum non laxabit, si huius vitæ blandimenta minimè sibi ad perpetuam fœlicitatem assequendam impedimento futura cognouerit?

Quis igitur pro vita æterna multùm se affliget atque excrucietur, quam minimo labore cõsequi possit? Cùm enim, vt præclare sagacissimus naturæ venator docet Aristoteles, stultè illud pluribus peragatur, quòd æquè commodè paucioribus transigi atque confici possit, cogitabit quilibet frustra se in eo acquirendo multum studij laboris ac operæ ponere, quod minori negotio ac difficultate, pari tamen cõmodo, nancisci valeat. Quod sanè quàm

perniciosum sit, quantumque damni ac
 detrimēti Rebuspub. importet, neminem
 ignorare arbitror. Cum enim ciuitatis in-
 columitas à ciuium virtute dependeat, at-
 que longo vsu & experiētiâ exploratum
 compertumque sit, necessariò ciuium dis-
 solutos mores, ciuitatis ruinam consequi,
 fieri nō potest, quin hæc noua Lutheri do-
 ctrina, ex qua, tanquam ex seminario, om-
 nis vitiorum ac malorum sentina emānat,
 atque proficiscitur, externam Reipublicæ
 Christianæ adferat calamitatem. Cuius e-
 nim, Audit, præclari conatus non infrin-
 gantur, industria languescat, incredibilis
 immortalitatem consequendi ardor non
 deferuescat, si virtutum actiones in laude
 non reponantur, sed summorum vitiorum
 loco habeantur, si ad cœleste domicilium
 assequendum nihil conferant, ob sint au-
 tem quamplurimum? Mirantur plerique
 perturbatum Reipublicæ Christianæ sta-
 tum, mirantur inueteratas horum tempo-
 rum miseras atque calamitates, mirantur
 denique morum huius ætatis peruersita-
 tem: ego verò, quòd grauiora mala non
 consequantur, quòd sacra profanis non
 misceantur, ac omnia susq; deq; ferantur
 dignum

dignum potius admiratione iudico, ac summi diuini beneficij loco reponendum existimo. Quid enim mirū, si passim iaceāt neglecta virtutis studia, quid mirum, si homines totos se Bacho ac Veneri cōsecrent, ac pecudum more in cœno voluptatum volutentur, cum neminem ob quæcūque flagitia ac scelera, modò fidem retineat, cœlestis patriæ repulsam passurum authore Luthero didicerint? Hôcne, Luthere, Euangelio, hoc Christi doctrinæ cōuenit? An non Christus apud Matth. 7. cap. clarè profitetur, si ad optatum cœlestis patriæ portum appellere ac peruenire desideremus, asperam nobis angustamq; portam ineundam ac ingrediendam esse, cum ait: Intrate per angustam portam, quia lata & spatiosa ducit ad perditionē, & multi sunt qui intrant per eam, angusta autem ducit ad vitam, & pauci inueniunt eam. Quomodò autem hoc verum esse potest, si fidei solius subsidio ad superos euolare possumus. Quæ porrò erit ad felicissimū illud cœlestiū spirituum domicilium perueniendi difficultas, si fides sola quæ à quolibet haberi facile potest sufficiat. An non cernis an non perspicis tuum funestissi-

mum dogma ex aduerso cum diuinis literis sacrisque Euangeliiis pugnare? An non cernis rationi ipsi repugnare? Quòd si enim in hac vita nihil præclarum ac arduum sine magnis laboribus, vigiliis ac molestiis acquiri atque comparari potest; cœlestem illam beatitudinem, quâ nihil potest esse excellentius, nihil admirabilius, nihil sublimius, nobis otio, desidiâ ac voluptatibus diffluentibus, à summo illo mundi Architecto datum ac tributum iri credemus? Scilicet, quinque virgines sapientes apud Matth. 25. cap. dormiendo sponsi sui beneuolentiam amplexumque sunt merita; scilicet, diues ille Epulo apud Lucam 15. ca. in diem viuendo, felicitatem est cōsecutus; scilicet, Christus negligētibus ac vitam in quiete & otio traducentibus mercedem promisit. Quid hoc potest dici absurdius, & sacris literis repugnātius? O præclarum Lutheri dogma ac planè diuinum, quod tam bellè, cum augustissimis sacre fidei nostræ monumentis consentit, ac tam mirificè cum ipsa ratione cōgruit? Quis igitur pestiferâ Lutheri doctrinam, tanquam angue peiorem nō fugiat & abominetur? quis Lutherum diris non deuoeat, quis deniq;


deniq; non doleat tot patriæ nostræ ciues,
huius dogmatis suauitate captos, laqueis-
que irretitos tam miserè periisse? Quàm
multos enim præclari nostri Euangelici
ad interitum, æternaque supplicia addu-
xerunt? quàm multos ad orcum detruse-
runt. Oceanus, medius fidius, non tot ho-
mines absorpsit, quot animas Lutheri Eu-
angelii peremit, ac æterna morte deleuit.
Vtinam vtinā, vel nunc tandem aliquando
mortales, discussa oculorū nubeculā, cla-
rissimam solis lucem intuerentur, ac qui-
bus animæ suæ salutem committerēt, per-
penderent. Verum dum blādissimis volu-
ptatum illecebris plecti Lutherum au-
diunt, dum inani fidei præsidio fulti, nihil
de salute sua ampliùs sunt anxij, sed cæco
animi ardore in omnem turpitudinem fe-
runtur, omnis fraudis ignari, in æternum
exitium, proh dolor, præcipientes ruūt. O in-
credibilem hominum cæcitatem; quid fa-
citis Germaniæ ciues? quid facitis? quādo
tandem ab arcto illo somno, quo oppressi
iacetis euigilabitis? An non in quas vos
fraudes astutissimi illi insidiatores im-
pellant, deprehenditis? An non quas infi-
dias vobis struant percipitis? An non videretis

tis hos audacissimos homines voluptatū
 escis, ac tam suavi dogmate, ad animæ ve-
 stræ perniciem, perpetuumque interitum
 abuti. Sicne in re tanta cōsideranda, à qua
 perennis animæ vestrę vita ac salus depen-
 det, negligētes estis? sicne flagitiosissimo-
 rum hominum dictis ceditis? sicne aui-
 tam maiorum nostrorum religionē pro-
 ditis? Hæcne est vestra pietas? hæcne om-
 nium gentium literis linguisque celebra-
 ta constantia? minimè, ô germani, germa-
 ni estis, magno sanè in errore versamini, si
 in flagitiis viuendo, voluptatesque perse-
 quendo posse vos Dei conspectu perfrui
 arbitramini. Non illa via, quæ cupiditati-
 bus prauisque affectibus blanditur, ad cœ-
 lum ducit. Aliter D. Paulus ad Rom. 8. ca.
 docet, cū ait: Fratres debitores sumus nō
 carni, vt secundū carnē viuamus, si enim
 secundū carnem vixerimus, moriemur:
 si autem spiritu facta carnis mortificaue-
 rimus viuemus. Dicendi finem nō faciam,
 si cuncta in hanc sententiam D. Pauli testi-
 monia enumerando persequi velim. Quæ
 cū ita sint, cū bona opera summæ ad
 salutem adipiscēdam necessitatis esse ma-
 nifestum ex his sit, quis erit adeò à com-
 muni

muni bonorum omnium sensu alienus,
 qui crudelissimos Christianæ religionis
 hostes, quod rem tanti momenti, quam
 clarissimè sacra volumina tradiderunt, an-
 tiqui patres ad vnum omnes asseruerunt,
 quam denique perpetuò Ecclesia docuit,
 (quod inquam rem tanti momenti, quæ
 omnium nostrum salus continetur) op-
 pugnare, inuadere ac funditus euertere
 ausi fuerint, omni odio dignos esse non sit
 iudicaturus; aut quis erit ita perditus, qui
 bona opera cōtemptui sit habiturus? Non
 enim ea fides, quæ charitate orbata est,
 quicquam prodest, sed quæ per charita-
 tem operatur, illa inprimis nobis, D. Pau-
 lo teste, utilis salutaris ac necessaria est.
 Itaq; vt tandem terminetur oratio nostra
 Audit. si æternæ beatitudinis desiderio
 deflagramus, operemur bonum dū tem-
 pus habemus, ne tenebræ nos comprehē-
 dāt, exerçeamusq; nos in omni virtutum,
 præclarissimarumq; actionū genere, neq;
 vllis laboribus difficultatibusq; vel fran-
 gi, vel voluptatum lenocinijs à recta
 viuendi ratione abduci nos
 patiamur.

CON-

DE BONIS OPERIBVS
CONTROVERSIÆ
ADVERSVS NOSTRÆ TEM-
pestatis Hæreticos de bonorum Operum & Sa-
cramentorum necessitate, pars secunda.
Per modum Apologiæ.

VAM grauis ac perniciosus sit hæreticorū bona opera reiicientium error, abundè satis in prima oratione, pro ingenij mei tenuitate, ostendi. Adeò enim pestilens est hoc dogma, vt si semel hominum animas occupet, mores ac virtutes omnes pessum eant, Christiana que Respub. funditùs euertatur, necesse sit; vt vel ex hoc cognoscere facilè omnes possint, quàm hostili erga Ecclesiam fuerit animo Lutherus, qui virus hoc pestiferum euomuit. Verùm, quoniam intellexi quosdam temerè persuasos opinari falsò id Luthero eiusque asseclis tribui atque ascribi, Lutheranosq; minimè in operum necessitate astruèda à nobis dissentire; denuo hac de re scribere opere præcium duxi. Hæretici enim nonnulli cū intelligerent Lutherum ob tam execrandum errorem malè apud plerosq; audire ac graui inuidiā laborare, & quod illis erat grauius, magnam

magnam hanc ob causam à sua Religione
 discessionem factam, vt Lutherum ex fla-
 grantissimo odij incendio eriperent, re-
 busq; suis consulerent, diuulgare ac scri-
 bere minimè sunt veriti; Lutherum, & qui
 eius partes sequuntur, bona opera, vno ore
 predicare ac vnanimi consensu recipere,
 in eo autem duntaxat à nobis discrepare,
 quòd iustitiam ac gratiam iustificantem
 non ab operibus, sed à fide pendere arbi-
 trentur, quòdque existiment bona opera
 non ad acquirendam copiosiorè iustitiam
 valere, sed ad manifestandam ac attestan-
 dam fidem solum necessaria. In quo sanè sin-
 gularè Hæreticorum impudentiam ad-
 mirari satis nequeo. Quid enim est tā cla-
 rum ac perspicuum, quàm Lutherum bo-
 nis operibus bellum indixisse, ac multis
 antè seculis condemnatum Eunomij er-
 rorem ab inferis in lucem reuocasse? qua
 enim alia via, tantum sibi Principum fauo-
 rem, Optimatum studiū, populi beneuo-
 lentiam conciliauit, quàm Christianam
 libertatē immoderatè efferendo, difficul-
 tatem aeternæ beatitudinis nimium exte-
 nuando, cælum terræ miscendo, omnia
 denique iura Diuina atq; humana effrin-
 gendo?

gendo? non tam facilè quas fecit fabulas mortalibus persuasisset, neque tantum incendium, quo iam, proh dolor, tota fere Europa conflagrat, in orbe terrarum excitasset, nisi auribus hominum seruiisset: sed facilè fuit homines, sua spòte ad voluptatem prònos, noui Euangelij suauitate ad nouarum rerum studium allicere, eosque effrenatæ libertatis homo in fraudem pernitiemque impellere. Cùm itaq; tempora nostra sic ferant, vt nihil sit tam firmum ac munitum, quod importunissimi quidam hominès per summum scelus & audaciam non oppugnent, nihil tam manifestum quod inficias ire non audeant, haud abs re fore existimaui, si scribèdi prouinciam susciperem, ac infernales illas furias, sceleris & mendacij conuincerem. Atque vt rem aggrediar, quis ignorat decem præceptorum obseruationem summopere ad salutem esse necessariam? Sunt enim prima principia, aut certè ex iis deducta, quæ naturæ lumine manifesta, omni tempore ac in omni statu totū humanum genus ad sui custodiam astrinxerunt, ita, vt nulla gens tam barbara, tam immanis, ac nō solū veri Dei cognitionis sed omnis huma-

ET SACRAMENTIS.

humanitatis experts reperiri possit, qui his legibus non teneatur, semperque deuincta fuerit; de quib⁹ ait Regius propheta Dauid: Illuminatum est super nos lumem vultus tui Domine. Quod cum certissimum sit, solus Lutherus effrenata audacia ac precipiti furore præditus præcepta Decalogi Christianos non attingere, ac impunè ab iis qui Christo nomen dederunt negligi, contēni ac violari posse, apertissimè docuit. Sic enim ait in Sermone de Moyse; decem præcepta ad nos nō pertinent, sed ad solos Iudæos. Et paulò infrà idē cōfirmās, ex textu (inquit) clarè habemus, decē præcepta ad nos non pertinere: nō enim nos, sed solos Iudæos ex Egypto eduxit Dominus. Alibi etiā ea seruatu impossibilia asserit: & in libro de vita coniugali adulterari, fornicari, nō censet esse peccata, ideò quòd fiant necessariò. Non enim ignorauit subtilis Theologus peccatum in libera voluntatis electione consistere ac cū necessitate omninò pugnare. En nouum Euangelistā, quā bellè hæc cum Euangelio cōueniunt? humani generis salutis author, si huius corporis vinculis soluti in cœlum migrare velimus, vt, corporis lēocinia, tāquā manimi

D pestem

pestem fugiamus, ac prauas cupiditates coerceamus, crebrò nos adhortatur: Lutherus liberè carni & voluptatibus indulgere, libidinesque explere Christianis licere asserit. Diuus Paulus adulteros, fornicatores à cælo exclusum iri prædicat: Lutherus beatitudinē bonis cum adulteris & fornicatoribus comunē fore, affirmat. Christus Diuina mandata nobis seruatu necessaria esse docet his verbis: Si vis ad vitā ingredi serua mādāta: Lutherus Diuinorū mandatorū obseruationē, tanquā iugū acerbiss. à ceruicibus nostris excussit, nosque in summa vitiorum libertate collocauit. Quis vnquam talem barbariem audiuit? an non hoc est virtutem, bona opera, legem Euāgelicam profligare, naturam denique ipsam è medio tollere? Quæ fuit vnquā natio immanitate tā barbara, quæ furta, homicidia, adulteria, tanquā grauissima scelera acerbissimis suppliciis non fuerit prosecuta? Est enim hæc, nō scripta solūm, sed innata Decalogi lex, quam non tantūm è sacris monumentis didicimus, accepimus, legimus, verūm ex natura ipsa arripuim⁹, hausimus, expressimus; ad quam non docti, sed facti, non instituti

stituti, sed imbuti sumus: quā & ratio doc-
tis, & natura ipsa ac necessitas barbaris
præscripsit. Tantusne te stupor occupauit,
Luthere, ut nō solum Romanos, Athenien-
ses, Lacedemonios, Carthaginenses, po-
pulos ethnicos, sed Scythas & immanitate
ac barbarie superares? fieri ne potuit ut ho-
mo Christianus in tam dēsas errorū tene-
bras laberetur? Equidem non admiror,
Lutherum in tantum errorē incidisse; eō
enim amētię siue impietatis est progressus
Lutherus, ut solam infidelitatem causam
nostræ ruinæ, perennisque interitūs esse,
senferit. Quod quidē egregiē in Libro de
Sacramento Baptismi expressum reli-
quit; ubi fidem summis laudibus in cœlum
euehens, vide, ait, quā diues sit homo
Christianus, qui, etiā volens, nō potest per-
dere salutem, quantisque peccatis, nisi no-
lit credere; nulla enim peccata eum dam-
nare possunt, nisi sola infidelitas. En, Lut-
herus clarē asserit, hominem Christianū
quantūmuis sceleratē viuat, scelera scele-
ribus cumulet, ac in omni vitiōrū & turpi-
tudinis genere volutetur, dummodò fide nō
excidat, minimē de salute sua posse dubita-
re, ne dicam, desperare. Quid ad propositum

nostrum ostendendum fortius firmitusque potest afferri? Hæc itaque verba cum sint clarissima ad demonstrandum, Lutherum omnia bona opera reieciſſe, ac nihil præter fidem ad salutem neceſſarium duxiſſe; Bucerus tamen homo verſutus, vt tantam ignominiam tegat, quibusdam verborum inuolucris nobis imponere, ac verba Lutheri in alienum ſenſum retorquere nititur. Vult enim Lutherum nihil aliud velle ſignificare, quam fidem iuſtificatam eam eſſe, qua regnante, peccatum exulet, et qua exulante peccatum dominetur; ita vt ſenſus ſit, vnumquemque, quamuis maximis ſceleribus ſit inquinatus, primum ac credere incipiat, ab omnibus peccatis liberari ac amicum Dei euadere.

Nimirum, nos ſtupidos ac hebetes arbitris, Bucere, quaſi tua interpretatione, vt intelligentiam horum verborum aſſequamur, magnoperè indigeamus: nimirum tibi tribuis, quaſi ſine tuis Cõmentariis mentem Lutheri penetrare non valeamus, ſed falleris, Bucere, ſagaciores ſumus, quàm fortaſſe exiſtumes, facilè tuas fraudes ſubodoramur. Quòd ſi de fide informi, quæ mortua à D. Iacobo appellatur, loquaris, planè concedi-

ET SACRAMENTIS.

concedimus Lutherum sic sentire, vt tu interpretaris, si autē de fide (quam Theologi formatam vocant) dictum putes, acta agis, verba enim Lutheri clariora sunt, quā tuus Commentarius ferat; quod facilē ex aliis locis perspicui potest. In libro enim de libertate Christiana expressē ait, hominem per fidem ab omnibus aliis præceptis liberari, ac fide nuda totam legem impleri. Et in articulis à Leone Decimo, Pontifice Maximo, damnatis sola fide Deo nos coniungi, sola incredulitate à Dei amicitia nos diuelli asserit. Quorsum etiam alibi vbi in scripturis iniquitas habetur, infidelitatis nomen substituit, nisi vt suum errorem hominum animis insereret. Ac ne longē abeamus, considera, Bucere, postrema illa verba, cū ait (hominem nulla peccata alia possunt damnare, nisi sola infidelitas) quid hoc est aliud, quā vnum solum peccatum verē letale agnoscere? Certum est enim vnumquodque peccatum mortiferū reddere nos æternæ penæ obnoxios. Vnde si plura sunt peccata, ratione plurium nos æterna supplicia incurrere posse necesse est, quod tamen hoc loco apertē inficiatur Lutherus. Longē igitur aberrasti

DE BONIS OPERIBVS

à scopo, Bucere, meliùs intellexerunt Matthias Flacus Illiricus, Nicolaus Amſdorpius. Nico. Gall^{us}, Ioãnes Agricola, & plures alij, qui Lutherũ bonorũ operũ necessitatẽ negasse, liberẽ profitetur: meliùs tibi consuluiſſes, si hanc defensionẽ omiſſiſſes, magno enim te honoris ac famæ periculo exposuisti, omnemque apud nos fidẽ effudiſti; qui. n. ſemel falſi cõuincitur, ei poſtea (vt preclarẽ Romanę facundię Parens teſtatur) ſi per plures Deos iuret, credi non oportet. Sed vt eõ, vnde digreſſus ſum, reuertar. An nõ etiam Sacramenta ab humanæ libertatis vindice ad noſtram ſalutẽ inſtituta, aut omnia aut pleraque è medio ſuſtulit? Neminem tam ignarum ac rudem exiſtimo, quem Pœnitentiæ neceſſitas fugiat: paſſim enim in ſacris literis apertiſſima extant teſtimonia, quibus nobis ſummoperẽ commendatur: neque immeritò. Cũ enim in hoc tempeſtuoſo pelago cõtinuĩs tẽtationũ procellis agitemur, facilẽ accidere poteſt, vt ventorum turbīnibus de rationis gubernaculo deturbati, gratiæ cœleſtis naufragiũ faciamus. Vnde Præpotens Deus, qui hominum miſeretur & commodat pro ſua ſingulari erga genus
humana-

humanum benignitate Pœnitentiæ tabulam nobis in subsidiũ superesse voluit, quã subleuati enataremus & incolumes in portum euaderemus. Quod cùm sit singulare beneficium, Lutherus tamen capitalis virtutis, publicęq; trāquillitatis & otij perturbator, pestis & perniciēs orbis terrarũ, hoc præsidium nobis eripere ac, salutarem Pœnitentiam cacodemonis instinctu agitatuse religionē Christiana prorsus exterminare conatus est. Cũ enim vera Pœnitentia tribus partibus, contritione, confessione & satisfactione absoluator, talem nobis describit Pœnitentiam Lutherus, quæ nullā harum partium comprehendit: optima ait Pœnitentia est noua vita. Et quamuis contritionem admittere aliquando videatur, verbis tamen eam solũ admittit, re autē prorsus negat. Duplex est enim contritionis genus; vnum perfectum ac semper cum charitate coniunctum; quod nihil aliud est quàm vehemens animi dolor ex offensione Dei et peccati turpitudine ac grauitate conceptus, cum proposito confitendi, satisfaciendi, vitamque in melius commutandi. Alterum imperfectum, quam attritionem Theologi vocant, quod consistit

DE BONIS OPERIBVS

in peccati fuga ob metum suppliciorum
 cū proposito cōfessionis & aliorū vtrūq;
 exemplo sit Lutherus in articulo quinto
 his verbis: contritio, quę paratur per dis-
 cussionem, collectionem, et detestationē
 peccatorum, qua quis recogitat annos in
 amaritudine animę suę, ponderando pec-
 catorum grauitatem, multitudinem, fœ-
 ditatem, amissionem æternę beatitudinis,
 & acquisitionem æternę damnationis,
 hæc cōtritio facit hypocritā & magis pec-
 catorem. Ex quibus colliguntur duo erro-
 res: vnus quo ait, non oportere ad paran-
 dam veram contritionē discutere consci-
 entiæ latebras & colligere peccata omnia,
 recogitando grauitatem, multitudinem
 & fœditatē eorum, contra illud Ezechielis:
 recogitabo tibi omnes annos meos. Alter,
 quo damnat contritionē, quę proficiscitur
 ex odio gehennę. Quę sanè doctrina nō so-
 lūm falsa, sed etiam impia & in Deum con-
 tumeliosa est; Quid enim est in sacris lite-
 ris timoris seruilis mentione frequentius?
 Psalm. 118. habetur: configat has carnes
 timor domini et iudiciorum eius, et in ser-
 uitutē redigat. Psalm. 7. nisi conuersi fueri-
 tis gladium suum vibrabit, arcum suum
 tetendit

tendit & parauit illum. Hunc etiam timorem inculsit peccatoribus Diuus Ioannes Baptista vir, vitæ innocentia, & morum integritate, diuino præconio, celeberrimus; Lucæ tertio dicens: Generatio viperarum quis ostendit vobis fugere à ventura ira? Et paulò post; iam securis ad radicem arboris posita est, omnis ergo arbor non faciens fructum bonum excidetur et in ignem mittetur. Ac, vt de alijs taceam, quoties nos Christus per hunc timorem ad pœnitentiam inducere conatur? quoties nobis, nisi respiscamus perpetuas Flammæ minatur, nisi conuersi fueritis omnes simul peribitis; Lucæ tertio, Math. 10. & 22. Quod certè altissimo consilio à Deo immortali factum esse, nulli dubium esse potest. Cum enim præpotenti Deo nostra salute nihil sit antiquius, multis viis nos ad benè beateque viuendum adducere nititur; iam enim proposito immortalitatis præmio, animos nostros virtutis amore accendit ac exuscitat; iam verò pœnarum terrore ob oculos posito, nos à vitijis ad virtutem reuocat. Atque certè, quantum hæc ratio ad permouendos hominum animos, ad vitam in melius commutandam, & è turpissimis sordibus

bus emergendum valeat, testatur hoc imprimis præclarum ac celebre Niniuitarum exemplum, qui Vatis, indignationem Dei, ruinam ac interitū denunciantis sermone commoti, resipuerūt, & ad bonam frugem se contulerunt. Testatur regius propheta Dauid, qui Nathā dira cōminantis verbis excitatus se collegit. Testis D. Paulus, qui cū capitali odio erga religionem Christianā flagraret, ac maximas tempestates in Christianorum capita excitaret, fulminis terrore percussus, ad veram Dei cognitionem peruenit, atq; ex grauissimo Christi inimico, acerrimus Christiani nominis propugnator euasit. Testes quamplures Iudæorū Reges, qui similibus vaticiniis deterriti à vitiiis discesserūt. Ac nè infinita persequar, qua alia via summus illerum omnium molitor Deus, perfidæ ac Symulachrorum cultui addictissimæ, iudaicæ gentis audaciam fregit, quā graui-
ter eam castigando, innumeris plagis afficiendo, hostiū furori ac gladiis obiiciendo? quod præclare testatum reliquit Vates ille cū occiderent eos, tunc quærebant eum et reuertebantur. Quid igitur agitis, Lutherani vōsne audetis rem celeberrimam

mam ac vſitatiffimam impuro ore pro-
 ſcindere? An nō videtis vos ſacra Euange-
 lia, vos auguſta oracula erroris condem-
 nare, vos ipſum denique Dei filium ſcleris
 labe aſpergere? Etenim ſi timor ille ſerui-
 lis peccatum eſt, vt vos dicere non erubeſ-
 citis, effugere non poteſtis, quin ſummum
 mundi Architectū erraſſe, ac graue crimē
 commiſiſſe, fateammini; cū author no-
 bis huius doctrinæ extiterit, & hac via ad
 hominum ſalutem expediendam vſus fue-
 rit. Neq; certē argumenta Lutheri ad per-
 ſuadendum quicquam valent. Quòd enim
 ait, omnia opera iuſtificationem præcedē-
 tia, eſſe peccatū, conſtanti Theologorum
 omniū conſenſu reiicitur: multa enim gra-
 uia & intollerabilia abſurda, quæ Luthe-
 rus deuorare minimē poſſet ſequeren-
 tur: ſic enim haud facilē quiſquā ratione
 ſic vtens gratiam conſequeretur. Nam
 duobus modis Deus immortalis in gratia
 infundenda vti ſolet; quosdā enim ita ſu-
 bitō ad perfectam diſpoſitionem mouet,
 vt in eodem momento gratiam infundat;
 quo pacto D. Paulum & Latronē in cruce
 iuſtificados accepimus, quod paucorum
 priuilegium eſt: Alios autem (quæ quidem
 via

via communior & Deo familiarior est (per prædicationes, inspirationes & alias huius generis dispositiones, quæ longo tempore præcedunt gratiam, conuertit, & iustitiæ munere donat, quocunque tandem istorum modorum utatur Deus, necessariò vnus vel plures liberi arbitrii motus naturâ vel tempore, tanquam dispositiones, gratiam præcedere debet. Accommodat enim se sapientissimus mundi Architectus, in quantum res fert, rationi ac modo agentium naturalium, atque, ut in iis nulla forma, nisi in materiam dispositam, inducitur, actus enim sunt actiuorum (ut docet Philosophus) sic Deus gratiam non nisi in cor præparatum & humiliatum infundit. Necessariò igitur fateri cogimur præcedere debere aliquas dispositiones vel opera, quibus ad gratiam disponamur, nisi Deum delectum habere personarum concedere velimus. Nequè enim aliam ob causam, cur Deus vni potius, quam alteri gratiâ infundat, inuenire poterimus, nisi quòd vnum magis dispositum & auxiliis moribusque diuinis magis correspondere inueniat quàm aliud, quod nec familiæ prædicatorum lumen D. Thomas negauit. Verùm cum hæc opera, quæ sic disponunt sint priora (ut ex dictis patet)

patet) aliquo modo gratia , peccatum erunt, quo pacto igitur nos ad gratiam disponere poterunt, cum, ut in supernaturali Sacramentorum actione videre est, gratiæ dispositio esse nequeat, sed potius impedimentum? nō video igitur, qua ratione gratiam cœlestem assequamur. Hoc autem nō ita intelligendum est, quasi asserere velim, hominē propriis viribus, solo auxilio generali Dei ad gratiā se disponere, ne dicā, eam mereri posse, ut nonnulli Theologorum somniārunť (quod certē à Pelagij errore non longē abesse videtur) sed has ipsas dispositiones peculiari beneficio à Deo profectas libēter agnosco, nō enim sumus sufficientes cogitare aliquid boni à nobis, quasi ex nobis, ut docet D. Paulus 2. ad Corinth. 3. Taceam quòd ē sordibus Peccatorum sine diuina ope singulari emergere valeamus, quod egregiū Ecclesiæ lumen D. Augustinus lib. 3. Hypognosticon scriptū reliquit, ubi ex professo aduersus Pelagium differit, quòd homo per liberum arbitrium, nec incipere valet nec perficere, nisi diuino subsidio præueniatur. In cuius confirmationē adducit illud Pauli ad philippenses; qui incēpit in vobis opus bonū, perficiet vsque in diē christi, & illud; cō-
uerte

uertere nos Domine virtutum et conuertere
mur, quod certè à Deo non tantoperè
esset efflagitandum, si conuersio in Deum
in nostra esset potestate absque ipsius Dei
auxilio. Facile igitur qui vel mediocri iudi-
cio pollet nos toto cœlo discrepare intel-
liget: cum hi ante infusionè gratiæ, meritū
de congruo & sufficientè dispositionè ex
viribus naturæ procedere ponant, ego ve-
ro solū congruitatem & imperfectam
dispositionè, non tamen sine auxilio speci-
ali cum D. Thoma concedam. Illud etiam
quàm sit absurdum concedere, gentiles
nimirum, in omnibus operibus peccare
quis non videt? neque enim Samaritana
illa mulier, eò quòd in Christum credidit,
omnemque suam spem in ipso defixit, pec-
cavit, sed potius fructum vberimum re-
portauit, voti enim sui compos facta, salu-
tem consecuta est. Orationes quoque &
Eleemosynæ Eunuchi Candaces Reginæ, &
Cornelii Cêturionis, vt in actis Apostolo-
rum legitur, tantū abest vt Deo fuerint
exosæ, vt potius, scriptura teste, plurimū
illis profuerint: ascenderunt enim in con-
spectum domini, & vtriq̃ salutem pepe-
rerunt. Non igitur peccatum esset potue-
runt,

runt, nisi Deum operibus malis delectari,
dicere velimus. Quid? quòd & ignorantia
inuincibilis, vt Theologi docent, non solū
gentiles, sed etiā Christianos à multis pec-
catis excuset? Huc accedit, quòd credendo
sperando, & peccatum detestādo peccare-
m⁹: & quod intellerabilius est, quòd Deus
optimus Maximus cū fidei spei & aliorū
liberi arbitrij motuū causa effectiua sit, ef-
fectiua auxilio speciali ad peccatum con-
curreret, quo haud scio, an quicquam
absurdius, & magis impiū dici possit. Quā-
uis enim nemo Theologorū negare pos-
sit, Deum ad omnes actiones morales tam
bonas quā malas auxilio generali con-
currere: concursus enim ille generalis &
influxus adeò est necessari⁹, vt, eo cessante,
nulla actio exerceri, ne dicam, vniuersum
cōsistere possit; illud tamē constanter om-
nes negant, Deum auxilio suo speciali ad
peccatū cōcurrere. Cū igitur tot tamq;
grauia absurda consequantur manifestum
est, Lutheranorum sententiam, ex qua tot
absurda dimanant & profluunt absurdissi-
mam esse oportere: ex absurdo enim non
nisi, absurdum, sicut ex falso semper falsū,
sequitur. Hoc etiam tacere non possum il-
los

los hæreticos qui Augustino hanc ignominiam inurunt, ac secum facere gloriantur, benè impudentes esse, ac omnem pudorem exuisse, cùm contrarium libro .3. hypognoſticò clarissimis verbis edisserat. Sic enim scribit, Audi hæretice, stulte & inimice veritatis fidei, opera liberi arbitrij bona, que vt fiant præparâtur per gratiam præuenientē nullo liberi arbitrij merito nō damnamus. Sed hoc omnibus hæreticis gentile est, sanctorum patrū amplecti authoritatem, quò facilius fidem figmentis suis concilient, eosque vel inuitos in sententiā suam trahant. Neque etiam ille locus D. Pauli ad corinth. 13. cap. ex quo Lutherani omnia opera extra charitatem facta peccatum esse probare nituntur, quicquā mouere nos debet; nihil enim aliud his verbis docuit, quàm omnia opera, quę in peccato exercentur, non esse ad salutem consequendam sufficientia, neque meritoria vitæ æternæ, hoc tamen non obstante, non prorsus sunt inutilia. Conferunt enim primò ad euitandam trāsgressionem præcepti: nam per illa, quicquid dicat Adrianus, implentur mādāta, quo ad substantiam sic ad euitanda alia peccata, nam qui operibus

genere

genere suo bonis dat operam abstinere à malis. Vltimò per illa assuescimus virtutibus, & disponimur (remotè tamen) ad gratiam. Congruum enim videtur, ut Deus operanti homini secundum suam virtutem, recompenset secundum excellentiam suæ virtutis. Atque adeò præpotens ille rerum omnium Opifex nihil irremuneratum relinquit, ut in bonis temporalibus has actiones sæpè recompenset. Nabuchodonosor enim Rex, eò quod diuinis mandatis paruerat, nobilissimum Ægypti regnum obtinuit: sic meretrix illa Rahab, ut legitur Iosue secundo capite, quod Hebræos exploratum missos ab imminenti periculo eripuit, se, suosque ab internecione vindicauit. Obstetrices Ægyptiorum an non ob conseruatos, contra Regis Ægypti acerbissimum mandatum, iudeorum infantes, amplissimas opes consecutæ sunt? Romani etiam veteres, omnium gentium victores non aliam ob causam, ut eleganter D. Augustinus docet, tanta fortuna prosperitate vsi sunt, ac ad tantam imperij amplitudinem perueniunt, ut dominium orbis terrarum sibi subiecerint, quam quod iustitiam præ cæteris gentibus coluerint; ac sese omnium

E

maximè

maximè in operibus strenuis exercuerint. Obiiciet tertio aliquis hunc timorem in genere bonorum collocari non posse, qui enim peccatum ob pœnam inferni detestatur; plus illam odit, quàm peccatû, propter quod enim vnumquodq; tale & illud magis tale (iuxta tritum ac vulgare Philosophorum principis pronunciatum.) At omne odium præter ordinem est peccatum. Sed huic quoque obiectioni, quæ plus negotij & difficultatis facessere videtur, satisfieri facile potest. Duobus enim modis contingere potest, vt aliquis timore pœnæ peccatum fugiat. Primo fieri potest, vt aliquis principaliter ob pœnam fugiat peccatum, ita, vt si pœnam imminere non conspiceret à peccando non desisteret, & hic timor malus est; est enim contra ordinem, nec voluntatem peccandi excludit. Alio modo, potest quis fugere peccatum occasionaliter, solum ratione pœnæ, principaliter ratione peccati, & hic timor bonus est; naturale enim est, appetere & ambire commoda & fugere perniciofa, qui quidem timor tantum abest, vt sit peccatum, vt secundum doctrinam Concilij Tridentini, sit donum Dei, charitatem & perfectam

145
 fectam pœnitentiā inducens. Quam rem
 pulchrè explicat D. Augustinus exemplo
 setæ. Sicut seta, inquit, non est sufficiens ad
 consuendum frusta corij, sed est accom-
 moda ad inducendum filum, quod intrans
 fores excludit setam, sic timor seruilis nō
 est sufficiens ad amicitiam inter Deum &
 nos conglutinandam, inseruit tamen cha-
 ritati inducendæ. Ac videant, quæso, Hære-
 tici, quā dispar sit Theologorum, hac de
 re doctrina: nam quem ipsi timorem ser-
 uilem, vt peccatum execratur, eum Theo-
 logi, cum Sacramento ad salutem suffice-
 re arbitrantur, inest enim diuinis Sacra-
 mentis tanta vis, vt communi Theologo-
 rum confessione receptum est, vt ex attri-
 tis contritos nos reddant. Agè verò an nō
 sacram confessionem è Sacramentorum
 numero sustulit, & tanquā rem inanem
 ac inutilem abiecit. At rem tãquā è sum-
 mis Reipublicæ Christianæ Antistibus cō-
 fictam, & non à Christo institutam Luthe-
 rum reiecissee dicent. Scio equidem Luthe-
 ranos omni studio ac animi contentione
 pugnare; confessionem esse commentum
 humanum, quam ego cōtentionem, cū
 alterius loci sit libenter declinabo, vt ta-

men vel leuiter rem attingam, quàm falsa sit hæreticorū sententia, ex perpetuo confessionis vsu firmissimè cōprobat. Cū enim semper in Ecclesia in vsu fuerit, neq; quando aliquando inceperit legatur, manifestum sit, eam non ab homine ortum suum duxisse, sed à Deo originem traxisse. Aut igitur confessionem diuinitus institutam nobiscum cōfiteantur, aut primam Ecclesię institutionem edoceant; quod facere nullo modo poterunt. Nam quòd quidam dicunt, Innocentium huius instituti fuisse authorem ob Extrauagantem, (omnis vtriusq; sexus) multum falluntur, longè enim antè innumeri Patres, qui Innocentium Pontificem multis ætatibus præcesserunt, & proximè ad tempora Apostolorum accesserunt, honorificam Confessionis mentionem fecerunt. Quod cōfirmant etiam sacra Concilia Oecumenica, quorum definitionibus, cū in fide, & moribus errare non possint, iurè stare ac acquiescere debemus, quæ confessionem inter Sacramenta numerârunt. Sufficere hæc deberent, quæ pro hac re confirmanda adducta sunt, sed quoniam cum iis mihi negotium est, qui nihil præter scripturas

ET SACRAMENTIS.

rās recipiant, hanc pugnam non detrecta-
bo, ac Scripturis cum ipsis concertabo.
Legitur enim Actorum 19. multos creden-
tium abieciſſe ſe ad pedes Apoſtolorum confi-
tentes & annuntiantes actus ſuos: & Iaco-
bi quinto habetur cōfitemini alterutrum
peccata veſtra. Præclara ſunt hæc testi-
monia, præſertim ſi Patrum expoſitiones, quæ
multum lucis & ſplendoris his locis affe-
runt coniungantur. Totius tamen huius
controuerſiæ caput & baſis, eſt locus ille
apud Mattheum 18. c. Quodcunq; ſolueritis
ſuper terram erit ſolutum in cœlis &c. Et
dato, quod cōfeſſio auricularis inde aper-
tè non colligatur, euidenter certè colligi-
tur, peccatorum enarrationem Sacerdoti
debito faciendam, quocunque tandem id
fiat modo. Videmus enim in humanis eo-
ipſo, quo alicui aliqua poteſtas confertur,
ipſo facto quosdam, in quos poteſtas illa
exerceatur, ſubiici; haud ſecus in diuinis
philosophandum eſt. Vnde cum in illo lo-
co poteſtatem ſummam, quam à Patre cœle-
ſti Chriſtus acceperat Apoſtoliſ ſuis reli-
querit, iudicesque conſtituerit, manifeſtò
cōuincitur aliquos ipsis ſubiectos, niſi cō-
cedere velimus, inanè ac ſine effectu Chri-
ſtum

stum hanc potestatem esse voluisse, quod
 concedere absurdissimum est, Deus enim
 & natura superfluum fugiunt, vt scribit
 Aristoteles. Porro cū Iudex ignorata causā
 sententiam ferre non possit, nisi enim pe-
 nitus rem introspiciat, quem absoluat, aut
 quem damnet expedire se non poterit, ti-
 mendumque erit ne innocens pœnas luat,
 reus verò liber dimittatur. Quòd si sic se
 res habet in humanis, quantò magis hoc
 necessarium erit in iudicio illo altissimo
 ac planè diuino, vt sacerdoti singula cri-
 mina exponantur; cū non de capitis pe-
 riculo, sed de æterna beatitudine aut per-
 petuo interitu agatur. Elabi quidem ex iu-
 dicio humano reus facilè potest, eò quòd
 iudex falli possit, quòd hīc vsu venire nul-
 lo modo potest. Sacerdos namque Dei lo-
 cum tenet, vnde qui sacerdoti imponere
 cogitat ipsum Deum, qui nec fallere nec
 falli potest, decipere velle videtur. Quare
 qui putant non omnia crimina esse enu-
 meranda, quæ mediocri inuestigatione
 adhibita menti occurrunt, grauitè pec-
 cant, nec quantum discriminis inter con-
 fessionem sacramentalem & iudicialem
 intersit perspiciunt. In hoc enim differt sa-
 cramen-

ramentalis à iuridicali, quod Iudex in foro externo non intendit nisi malefactorum vindictam, & ideo illud solum crimē per tormenta & quæstiones indagatur, de quo supplicium summendum est. Sacramentalis autem confessionis finis est, reconciliatio amicitiae diuinæ, & hominis emendatio; quod nemo assequi potest, nisi quis omnia sua peccata, quāuis occultissima, quæ exploratis morali aliqua industria, conscientiae latebris in mentē veniūt detegat. Deus enim non remittit, vnū sine alio, cū non possit eodē tempore quempiam amore & odio prosequi. Nihil igitur est omittendum, aut diuinæ misericordiae eo modo, quo hæretici volunt relinquendum. Grauius etiam errāt, qui Deo solum confitentur, nullum enim peccatum remittitur, iuxta legem communem, nisi in ordine ad clauēs Ecclesiæ. Vnde qui hoc asserunt, clauium potestatem omnino negant, neque quid sibi illa verba velint; quæcūq; solueritis super terram erunt soluta & in cælo: & quæcūque ligaueritis super terram, erunt ligata & in cælo. Quamuis enim Deus, per solum internum cordis dolorem, nullo habito Sacramenti respec-

Au, secundum potentiam suam absolu-
 tam in gratiam recipere nos possit, vt in
 statu naturæ & veteris legis facitauit, in
 statu tamen Euangelij iis solum ad amici-
 tiam Dei patet aditus, qui scelera & animi
 labes sacerdoti diligenter ac fideliter enar-
 rant, vel de peccatis contriti proponunt
 firmiter se id facturos. Quos recte repre-
 hendit Augustinus in sermonibus ad con-
 iugatos sermone 55. ita scribens: nemo
 dicat sibi, occultè ago pœnitentiam apud
 Deum, nouit Deus qui mihi ignoscit, quæ
 in corde ago; ergo sine causa clauæ datæ
 sunt Ecclesiæ Dei? frustramus Euangelium
 DEI, frustramus verbum DEI, promitti-
 mus nobis quod ille negat, nonne nos de-
 cipimus? ergo sine causa dictum est, quæ
 solueritis in terra erunt solutæ in cœlo?
 Quibus verbis apertè docet necessariam
 esse sacerdotis absolutionem & non suffi-
 cere, vt secretò reus Deo confiteatur si au-
 tem necessaria est absolutio sacerdotis,
 peccatorum etiam confessio erit necessa-
 ria. Quod diuus Ambrosius non obscure
 docuit, scribens in hunc modum: non po-
 test, quis iustificari à peccato nisi confessus
 fuerit peccatum. Omnes igitur qui mor-
 tifero

tifero scelere premuntur confessionis Sacramento ad spirituales vitam reuocandi abditissimæque animi latebræ patefaciendæ sunt. Quod eleganti similitudine morborum ostenditur: si enim erubescat ægrotus vulnus medico significare, fieri non potest, vt salutaris medicina à Medico adhibeatur. Nec certè peccatorum omnium confessio impossibilis, aut conscientię carnificina existimanda est, vt garrunt Lutherani, ea enim tantum peccata confessione expianda sunt, quæ mediocri cura adhibita in memoriâ reuocatur, tantumque vnusquisque studij & operę in excutienda conscientia adhibere debet, quantum in alia re graui poneret. Vt autem de Satisfactione aliquid dicamus; cui est inauditum, eam omnes Lutheranos, tanquam inuentum Pontificium ad indulgètiarum quæstum commodè institutum grauissimè detestari. Arbitrantur enim remissa culpâ Deum omninò placatum, ac nihil proinde nobis exoluendum restare; quod sanè falsissimum esse facile intelligunt ij, qui vel mediocriter in diuinarum scripturarum lectione sunt versati. Legimus enim populum Iudaicū, cum grauissimè Deum

offendisset, Moyſis tamen precibus & in-
 terceſſione in gratiam cum Deo rediſſe.
 Sed hoc non impunè tulit, terram enim
 promiſſionis attingere non potuit. Moyſi
 quoque & Aaroni Iudeorum ducibus pec-
 catum diffidētię ad aquas contradictionis
 commiſſum mortē attuliſſe, ſcriptura te-
 ſtatur, quos tamē cœleſti beatitudine per-
 frui nulli, qui ſyncerè de religione Chri-
 ſtiana ſentiat, dubium aut obſcurum eſſe
 poteſt. Quàm grauius etiā pſalmiſta Da-
 uid à Deo ob admiſſa adulteriꝝ & homici-
 diꝝ crimina numeratumq; populum poſt
 reſtitutam recuperatamque priſtinam di-
 uinam amicitiam punitus fuerit, hiſtoria
 Regum id planum facit. Tanta enim ſtra-
 ge & clade ira Dei in populum Regi Dau-
 di ſubiectum deſcuiuit, vt Rex populi vi-
 cem ac miſeriam dolens grauem illā Dei
 indignationem capitis ſui periculo à cer-
 uicibus ſubditorū auertere ac amoliri vo-
 luerit. Ego ſum qui peccaui, inquit, ego
 iniquè egi, vertatur, obſecro, manus tua
 contra me & contra domum patris mei,
 nec tamen prius iram Dei placare potuit,
 quàm ex Prophetæ Gad iuſſu altari erecto,
 ſacrificioque recompensationis loco Deo
 oblato.

oblato. Præterea loca illa in quibus peccata Eleemosynis redimere & pœnitentiæ opera exercere iubemur, an non hoc euidenter concludunt? non enim Eleemosynæ ad maculam delendam valent, sed solum ad pœnam tollendam. Maneat igitur firmum, condonata veniâ Deo vltius ob iniuriâ illatam satisfaciendum esse, quod exemplo humano declaratur; fieri enim potest, vt quis inimico recôcilietur, iniuriæ tamen recompensationem requirat. Ad-
do & illud, sanctissimos antiquissimosq; Patres, Tertullianum, Cyprianum, Chrysostomum, Hieronymum, Augustinum, ac celeberrima augustissimaq; Concilia, Florentinum & Tridentinum, Satisfactionem clarissimè docuisse, quorum certè auctoritatem, si sapimus, pluris, quàm omnium Hæreticorum facere debemus. Explicanda paulò copiosius mihi esset tota de Satisfactione doctrina, ac tela Lutheranorū retundenda, sed quoniam de hac materia commodè tractari non potest, quin vicinæ ac coniunctæ de purgatorio & Indulgentiis difficultates inuoluantur ideò in præsentia lōgiorem disputationem instituere supersedebo. Vt itaque in incepta materia
progre-

progrediar, quem præterit Lutherum Sacerdotium Christianum (cuius tanta est dignitas, vt in terris nihil altius, sublimius diuiniusque cogitari possit) labefactasse ac prorsus euertisse, cum sacros ordines, fabulam & commentum humanum esse, docuit; cum sine vllō delectu ac discrimine viris & mulieribus omnibusque laicis ex diuina institutione concionandi ac Sacramenta administrandi munus conuenire scripsit. Sed parumper Lutherū ipsum, vt maior fides nobis habeatur, hac de re loquentem audiamus. Agitè, inquit, in libro de captiuitate Babilonica, vos egregij sacerdotes, producite nobis vnum Iota, aut vnum apicem ex vniuersis Euangeliiis, aut epistolis Apostolorum, vos esse aut dici debere sacerdotes præ cæteris, aut ordinem vestrum esse sacerdotium diuersum à communi sacerdotio Christianorū, quin producit? Audetis ne, surdè imagines? ite ad Parisienses, quæso, qui pro scripturæ testimonio ponant suum magistrale sentimentum: Hæc propositio est hæretica & ordini sacerdotali contumeliosa, tum hoc sentimentum esto vobis principium fidei. Vnde ergo habemus vos idolorum sacerdotes?

Lutherus in
li. de captiu.
Babilonica
& Illyricus
in Apologia
contra Iust.
Menium.

dotes? cur nomen commune aufertis nobis & vobis arrogatis? Nonne sacrilegi estis & blasphemii in vniuersam Ecclesiam, qui nomine communi & sancto violenter, aliis ablato abutimini ad Tyrannidem, & pompam auaritiæ & libidinis vestræ. Iterum dico, Idola mûdi, vnde vos habemus sacerdotes, pferre pro vobis testimoniû, vos onera intollerabilia orbis terrarum, sacerdotes nō estis, & sacerdotes vosipfos appellatis: videte quid mereamini, vos insignes raptores & hypocritæ. **DEVS** immortalis, quæ portēta verborum sunt ista, quis est à communi hominum sensu tam alienus, qui conuicia & contumelias, quas furia illa ac fax in Ecclesiam Catholicam indignissimè iacit, audiens non commouetur? Quid aliud agit Luther⁹, cū Episcopos, ac Ecclesiæ Antistites Tyrannidis accusat, ac impuris maledictis onerat, quā vt eos in odium inuidiamq; omnium abducatur, tumultus ac bella ciuilia concitet? Quis tantam arrogantiam ac maledicendi libidinem equo animo ferat? Iota vnum homo nefarius ac impius religionis conspurcator ad stabiliendum corroborandumque externum sacerdotium proferri deside-

desiderat, cum sacræ literæ plenæ sint testimoniorum hanc veritatem astruentium Apostolum audiant Lutherani priore ad Corint. ita scribentem: diuisiones gratiarum sunt, idem autem spiritus, diuisiones ministracionum sunt, idem autem Dominus, & diuisiones operationum sunt, idem autem Dominus, qui operatur omnia in omnibus, vnicuiq; datur manifestatio spiritûs ad vtilitatem. Alij quidem per spiritum datur sermo sapientiæ, alij autem sermo scientiæ secundum eundem spiritum, alij fides in eodem spiritu, alij gratia sanitatum in vno spiritu, alij operatio virtutum, alij pphetia, alij discretio spirituum, alij genera linguarum, alij interpretatio sermonum. In quo loco vas illud electionis D. Paulus diuersitatem statuum & functionum expressè docuit, idque eleganti similitudine corporis humani confirmavit. Vt enim in corpore humano partes sunt Hetherogeneæ officiis omninò distinctæ, ita, vt vna non sit alia, neque vna obeat munus alterius, sic in corpore mystico Ecclesiæ, quæ ex visibili omnium credentium cætu conflatur, varia licet cernere membra muneribus & actionibus discrepantia.

Quo

Quô igitur Lutheranorum error spectat, aliô, quàm. vt decētissimè pulcherrimè-
que Ecclesiasticę Hierarchiæ ordo pertur-
betur, & plùs quàm Anaxagoricum confu-
sionis chaos in Rempubicam Christianā
inuehatur. Sed responsionem, quæ so, Lu-
theranorum, qua sese expedire ac explica-
re studēt videamus. Aiunt sacerdotes qui-
dem ex instituto diuino esse omnes, sed nō
omnibus incumbere ministerium exequi
sed certi à plebe eligendi sunt, vt vitetur
confusio. Ministri igitur secundum illos
sunt omnes, quia gratiam eandem habent
omnes, executionē tamen ministerij, quam
operationem D. Paulus appellat non ha-
bent omnes, sed soli electi à populo. Sed
quāntum à D. Pauli doctrina discedant fa-
cilè quivis cognoscere potest. Aduersan-
tur enim primùm diuō Paulo in eo, quòd
operationum diuersitatem, quàm gētium
doctor in Deum refert, ipsi imperitæ mul-
titudini acceptum referant: impingunt e-
tiam grauitè in illo, quòd gratiarum vni-
tatem in omnibus eandem assētant, cū
tamen contrarium ex supracitatis D. Pauli
verbis fiat perspicuum. Quod confirma-
tur etiam ex Epistola ad Ephesios, in qua
Aposto-

Apostolus orbis terrarum conseruatorem
 Republica restituta, fractis contusisq; ho-
 stium infernalium viribus, mortalib⁹ car-
 ceribus, metuq; suppliciorum sempiterno
 liberatis, in cœlum profectum varia dona
 hominibus reliquisse testatur: & paulò pòst
 subdit, & ipse dedit quosdam Apostolos,
 quosdā Prophetas alios verò Euangelistas,
 alios autē Pastores & Doctores ad cōsum-
 mationem sanctorū, in opus ministerij, in
 ædificationem sanctorū corporis Christi.
 Videant hīc concionum procellæ, quàm
 perspicuè D. Paulo, de quò tam magnificè
 sentire videri volunt, quem in omnibus à
 partibus suis stare tantoperè prædicant,
 contradicant; cū expresse fateatur diui-
 na institutione non omnes esse Apostolos
 ac Pastores. Quid autem aliud per Aposto-
 los Pastores quàm Sacerdos intelligimus?
 negare quidem poterunt Lutherani no-
 men Sacerdotij, rem tamen nulla ratione;
 non enim aliud sunt Sacerdotes, quàm di-
 uinorum mysteriorum dispensatores, qua-
 les Christi discipulos & Apostolos fuisse in
 dubium apud Christianos cadere non pò-
 test. Admittāt igitur necesse est distinctum
 esse sacerdotum ordinem, eumq; à Christo
 institu-

institutum & magnis prærogatiuis dota-
tum, nisi concedere velint, omnes, qui se
Christi Apostolorumq; tēporibus, desertis
reiectisq; falsis, inanibusq; superstitioni-
bus Christianæ religioni se addixerunt,
Apostolos ac Pastores fuisse; quod nullus,
nisi amens sit, cōcedet. Atq; ut ipsorū insi-
gnis impudētia atq; audacia manifestò cō-
prehēdatur, quēro ab ipsis, quibus hæc ver-
ba (Accipite Spiritū sanctū, quorū remise-
ritis peccata, remittuntur eis, & quorū re-
tinueritis retenta sunt; & illa: Hæc facite in
meā commemorationem) dicta fuerint?
An Apostolis & Septuaginta duobus disci-
pulis, quorum hi simplicium Sacerdotum
personam, illi Episcoporum ac Ecclesiæ
Prælatorum partes referēbant, hæc dicta
fuisse negare poterunt? Non igitur omnes,
cuiuscunq; statūs, conditionis & sexūs
homines diuinorum Sacramentorum mi-
nistri esse poterunt, sed qui Apostolis &
Christi discipulis succedunt, quique à Ca-
tholicis Episcopis ritè ordinantur sacer-
dotes. Quid enim magis est absurdum ac à
ratione alienum, quàm asserere, quoscun-
que sartorēs, fartores, lippos ac tonsores à
fæce vulgi electos Sacramēta tractare pos-

se. An non hoc est sacra mysteria prophanare, & margaritas ante porcos abiicere? Sacramenta veteris legis quæ D. Paulo teste, infirma erant mundi elementa, nõ nisi à DEO & Synagoga electis administrari poterant; vos altissima nobilissimaque nouæ legis, Pœnitentiæ præsertim & Altaris sacra symbola, à quibusuis leuissimis abiectissimisque hominibus, ab aratro, & officina vocatis tractari; vos quemuis subulcum aut cerdonem à peccatis absolueret, & sanctissimum Christi corpus conficere posse, dicere audetis? In veteri lege Deus non omnibus eadem officia conuenire voluit, verum hos Sacerdotes, illos Cantores, alios Ianitores, ita suis distincta ministeriis, vt quicumque externus accessisset, quantumuis Iudeus, morti fuisset obnoxius. Quo pacto igitur Christianus populus simplex esse poterit, cum in Iudaico tanta fuerit conditionum varietas? An Moyse legem Christi Euangelio præferetis? dū ordinatū & distinctum habuerit populū, Christiano populo confuso permanente. Hocne vobis Christiana Republica, quæ Synagogā longè dignitate antecellit, hoc legislatore Christo dignum videtur? nūmne omnes
secun-

ET SACRAMENTIS.

secundū vos Apostoli, & designati septuaginta duo discipuli? Quòd si omnes ex æquo sunt sacerdotes, cur Christus duodecim solūm Apostolos, & septuaginta duos discipulos, quos religioni ac rebus sacris præesse voluit, elegit? cur in Exordio nascentis Ecclesiæ in tanta ministrorum paucitate non omnibus, qui Christiana sacra susceperunt, Sacramenta administrare licuit, cū tamen status illius temporis maximè hoc postulauerit? cur Episcopi Presbyteri, Diaconi passim p Ecclesias ab Apostolis fuerunt instituti? Christianū populum simplicem oportere esse omnesque Christianos pares aiunt ita ne? nulli igitur Reges, nulli Principes ac Magistratus. Cur igitur Christus Cæsari tributum solui iussit? cur D. Paulus Principes ac magistratus non sine causa timendos docuit? quid hoc est aliud, quàm furiosum populum audaciā aduersus leges munire, clasticum ad bella ciuilia excitanda, ad Principes, Magistrat⁹ pellendos, Reges delendos, canere? Sinite me hoc loco præterire miserabilis illius temporis memoriam, cū grauis ac periculosa ad extinguendam nobilitatē conspiratio iniretur, cū subditi

pessimo exemplo, funestiori exitu Principibus exitium machinarentur, cùm bello ciuili Germania arderet, cùm deniq; vltra cētum millia audacissimorum hominum pecudū more caderentur. Sinite, inquam, me præterire illius infœlicissimi temporis memoriā (non enim hæc sine graui dolore referri possunt) quis ignorat his & similibus verbis rusticos excitatos, & immoderate Christianæ libertatis præconiis erectos arma aduersus Dominos sumpsisse? Quòd si Deus in externa ac politica Republica ordinem esse voluit, quātò magis hoc de spiritali politia dicendum est; cùm in Euangelio legatur expressè, Dominum super familiam suam, nimirum Ecclesiam, posuisse seruos qui illam regerent, regere autem & gubernare Prælatorum est? Christianum populū simplicem esse aiunt, scilicet, D. Paulus hoc ignorauit; expendant æquis animis verba illa D. Pauli: Si quis cōfidit Christi se esse, hoc cogitet iterū apud se, quia sicut & ipse Christi est ita & nos, & si amplius aliquid gloriatus fuero de potestate nostra, quam dedit nobis Dominus in ædificationē non in destructionem non erubescā. Sumus igitur pares in hoc, quia
 omnes

omnes Christiani Christi sumus, sed Apostolus in alia potestate se nobis præfert, ut confundat rusticam illam simplicitatem Hæreticorum. Si personarum nulla est differentia inter Christianos, quomodo habet diuus Paulus potestatem præ ceteris? quam quidem potestatem non à populo sed à Domino, ut ipse fatetur, accepit. In Epistola quoque secunda ad Cor. cap. 11. sic gloriatur; si Hebræi sunt, & ego, si Israëlita sunt, & ego, si ministri Christi sunt, & ego. Audiât ipsum Christum, qui Apostolos, tanquam clarissima lumina in orbis terrarum theatro constituta, fulgere voluit: vos estis lux mundi, ait apud Matthæum 5. cap. Magna igitur est Ecclesiæ Procerum dignitas, ac tantum differunt à reliquis, quantum duces à militibus, pastores à gregibus. Et si Apostolorum non fuit omnium æqualis dignitas, quo ore dicere audent in Ecclesia omnes fideles esse conditione pares ac eiusdem ordinis? Quis enim nescit D. Petro ob præclarā illā Christi humanitatis & diuinitatis confessionem clauēs regni cælorum traditas, gubernaculum Reipublicæ Christianæ commissum, ipsumque huius visibilis Christianorum congregationis caput esse constitutum.

tum, confiteſſet etiam D. Paulus aperte Apoſtolos inæqualis ſortis & cōditionis fuiſſe ad Galathas 2. ca. his verbis: Aſcendi Hieroſolymam ſecundum reuelationem, & contuli cum illis Euangelium, quod prædico in gentibus, ſeorſim autem iis qui videbātur maiores eſſe: & clariùs infrā; cū cognouiſſent gratiam quæ data eſt mihi Iacobus & Cephas & Ioannes, qui videbātur columnæ eſſe, dexteræ dederunt mihi & Barnabæ ſocietatis. Ex quibus locis duo inſignes Hæreticorum contra Eccleſiaſticam Hierarchiam & Monarchiam errores conuelluntur. Neq; certè dicere poſſunt, hanc diuerſitatem & inæqualitatem poteſtatum in Apoſtolis conquieuiſſe, ac iis è medio ſublatis, concidiſſe, non enim Chriſtus ſuper Apoſtolos ſolū ſuam ædificauit Eccleſiam, neque inſtitutum ſuum regimen ac politiam vitā Apoſtolorum terminari ac finiri voluit, ſed perpetuò uſque ad mundi finem perſeuerare. ¶ Non igitur Eccleſia deſerta eſt, aut ſumma illa poteſtas, quæ in Apoſtolis fuit intercidit, quòd Petrum nō videamus, Paulum non habeamus; pro Patribus enim, iuxta Pſalmū, nati ſunt filij, qui principes ſuper omnem terram

ram constituti sunt. Ac certè rem sic se habere, manifestum est: successerunt enim Apostolis semper alij, qui ipsorum officiũ dignitatemq; sustinuerunt, paremque cum ipsis auctoritatem obtinuerunt. Constat enim Clemètem primum pontificiam dignitatem adeptum ac D. Petro successisse, multos præterea Episcopos à D. Petro & Paulo aliisque Apostolis ordinatos tum Ecclesiastici scriptores fidem faciunt, tum sacræ paginæ demonstrant. Et, vt nihil intactũ omittamus, edoceant nos Aristarchi illi, qui nihil, quod sacris literis expressum nõ fit, recipiunt, vnde probent ministrorũ electionẽ ad populum pertinere; nos certè contrarium tam in veteri quàm in noua lege firmissimis testimoniis comprobare possumus. Nam, vt de sacerdotibus veteris testamenti taceam, & Apostoli qui Episcoporũ & septuaginta duo discipuli, qui simplicium Sacerdotũ vices gerebant à Christo summo Sacerdote sunt institui, ab Apostolis Linus, Cletus, Titus, Timotheus, multiq; alij Presbyteri & Diaconi per manuum impositionem, quæ ordinationis Typus, fuit ordinati sunt. Quæ quidem manuum impositionis consuetudo à Christo

& Apostolis profecta & semper ab omnibus tam Græcis quàm latinis obseruata ad hæc vsq; tēpora nostra dimanauit. D. Paulus etiam Sacerdotes eligendi potestatem nō penes principes seculares, aut populum, sed penes Episcopos esse voluit. Tito enim commendauit, vt manus imponeret ac sacerdotes per Ecclesias constitueret. Conclufum itaque fit, esse in Ecclesia aliquod externū, & visibile Sacerdotium; Sacerdotumq; electionem nō ad seculares Principes ac personas p̄fanas, sed ad spirituales Reipublicæ Christianæ proceres pertinere. Quod quidem ita est clarum, vt nōnulli Lutheranz factionis! Principes veritate conuicti eos solū recipiant ac ad honores prouehāt, qui ab Episcopis Catholicis sunt ordinati. Hæc breuiter pro defensione Sacerdotij externi dicta sufficiant; ad Sacramentum Baptismi & Eucharistię festinat oratio, quæ quàm sint necessaria in propatulo est, expressè enim scriptura docet fidem cum Baptismo ad salutem esse necessariam; sic de Sacramento Eucharistię legitur, nisi manducaueritis carnem Filij hominis, & biberitis eius sanguinem non habebitis vitam in vobis. His tamen
non

non impredientibus, Lutherus ausus fuit scribere ea sine periculo aliquo negligi ac omitti posse, nec de ijs vllum præceptum nos obligans extare. Ac certè Lutherum sic sensisse, probatur primò ex illo loco, quem in principio Orationis adduxi, in quo ait per fidem totam legem impleri, & hominem Christianum sola fide ab omnibus aliis liberari asserit. Non igitur hæc duo Sacramèta nobis sunt necessaria, aliòquin per fidem nò tota lex impleretur, sed oporteret duorum Sacramentorum vsum ad fidem accedere, quod cum Lutheri doctrina consistere non potest. In præfatione noui Testamenti expressè scribit, nò esse in Euangelio (fide excepta) præceptum aliquod diuinum. Vndè ad Baptismum & Eucharistiam nullus tenebitur, sed quicumque, iis neglectis, ex hac vita securè in coelū euolabit: à negatione enim Vniuersalis propositionis ad negationē omnium singularium (vt non ignorant Logices periti) firmissimum ducitur argumentum; & qui genus negat, etiam species sub genere contentas. Omitto hîc probra & graues Hæreticorum contra Confirmationem & extremam Vnctionem contumelias; præ-

tereo breuitatis causâ, quàm multa Lutherus impudenter ac cõtumeliose de matrimonio scripserit, quod cum Sardauapalice ipsius cõciones, tũ alia scripta quamplurima declarât. In Tomo de coniugio, docet fœminę intregũ esse, maritum, si ob ægritudinem aut aliã corporis imbecillitatem non sit idoneus reddendo debito, compellare ne impedire velit quò minùs cum ipsius fratre, aut alio propinquo clàm matrimonium contrahere, ac libidines suas explere possit. Cui petitioni si maritus nõ assentiatur, nefas nõ arbitratur, si fœmina fugâ se ab ipsius consuetudine subducatur ac alibi, primo neglecto, cum alio matrimonio iungatur. Quo quidem ex fonte illud iam profluxit, vt in multis locis in Lutheranismò (vt graues authores referunt) frater germanus superstitis sui fratris coniugem Herodis instar in vxorem asciscat, atq; vna fœmina plures maritos, vnus maritus plures vxores, Turcarum more, habeat. Habet etiam Lutheri disciplina vt ab acerrimo religionis Catholicę propugnatore D. Friderico Staphylo viro & longiori vita, & immortalis laude dignissimo publicis literis posteritati consecratis memoriz

Lege Lutheri & Melanctonis epistolas & consilia per literas data

Lutherus in concione de coniugio.

riæ proditum est; si non vult vxor veniat ancilla. An non hoc est matrimonium infringere, eneruare, firmissimum eius vinculum dissoluere, scortationibus ac adulteriis fenestram aperire? Hócne est, Lutherani, Euangeliũ in tenebras protrusum in lucem reuocasse? hócne est scripturarũ clauēs inuenisse? D. Paulus matrimonium per mortem solũ dissolui scriptum reliquit, humani generis Seruator in sola fornicationis causa concedit seiunctionem, ita tamen vt nulli vtroq; superstite liceat alteri copulari, quę cum Lutherano Euangelio è diametro pugnant. Deliberandum igitur nobis erit, num à Christi Euangelio Pauli; doctrina discedere velimus, an Lutheri hominis profligatissimi ac Hæresiarchę pestilentissimi impia dogmata abii cere velimus. Sed neminem credo mente ita destitutum, qui nõ potiùs vitam ac sanguinem velit profundere, quàm vel latum vnguem à salutarì Christi Euangelio discedere & malè sano Lutheri cerebro adherere. Tot tamquę inauditis conuiciis in matrimonium homo vesanus debacchatus, non acquieuit modò sed sacrum conjugium è diuinorum Symbolorũ numero nefario

nifario conatu expunxit. Sit igitur, inquit, matrimonium figura Christi & Ecclesiæ, sacramentum autem non diuinitus institutum, sed ab hominibus tam ignorantia rei, quam verbi adductis. Quem quidem errorē non solum Lutherani susceperunt, sed Calviniani etiam amplexi sunt. Calvinus enim ut Lutheranis gratificaretur insigni mendatio conficto sententię Lutheri subscripsit his verbis: Postremum est matrimonium, quod ut à Deo institutum farentur omnes, ita pro Sacramēto datum, nemo vsque ad Gregorij tempora viderat. Proh Deum immortalem, in quæ tempora incidimus hīc sunt audaces quidam homines, qui non solum conspirantem totius terrarum orbis cōsensum negligunt, sed scripturis etiam cōtraria spargunt; eos tamen tanquam Vates de cœlo delapsos suspicim⁹, colimus, veneramur. Quis enim ignorat quā apertē sint hac de re scripturæ testimonia? quid clarius D. Paulus docere nos potuit, quā cū ad Ephesios in hunc modum de matrimonio scripsit: Sacramentum hoc magnum est, dico autē in Christo & Ecclesia? En D. Paulus Sacramētum matrimoniū appellat; qua fronte negare

Calvinus
in libro. 4.
institutio-
nis Christi-
anę religio-
nis cap. 19.

gare id audent heretici? Sed vim huius loci
perfringere conantes Lutherani respon-
dent, vbi Latine Sacramentum legitur in
greco textu Mysterium haberi, ac proinde
hunc locum parum nostræ causæ inferuire
aiunt; verum inanis planè & friuola est hæc
responsio. Idem est enim Mysterium & Sa-
cramētum, quod Græcæ linguæ periti non
ignorāt. Mysterium enim si notationē no-
minis inspiciamus idē sonat quod sacrum
secretrū; quæ significatio Sacramento etiā
communis est, quod aliquot exemplis è sa-
cra pagina petitis demonstrari potest. Nam
vbi Græcè habetur: Mysteriū regis abscon-
dere bonum est, Interpres reddidit latine,
Sacramentum abscondere regis bonum
est; idem videre est ad Ephesios i. vt notum
faceret Mysterium suæ voluntatis, Latina
translatio habet Sacramentum. Similiter
Sapientię secundo & Apocalipsis. 17. Sed
quid de nomine laboramus cum res intel-
ligatur. Quòd si Sacramenti etiam natu-
ram perpendamus reperiemus profectò
iure optimo matrimonium in Sacramen-
torum numero collocari: Sacramentum
enim nouæ legis signū est rei sacræ & causa
eius quod significat effectiua, quæ ratio nō
minùs

minùs Sacro coniugio quàm cæteris diuinis institutis conuenit. Sed quæret Lutheranus quî fieri possit vt matrimonium sit nouæ legis Sacramentum, cùm ab initio mundi fuerit, ac hodiè apud infideles permaneat. Cogit me hoc argumentum, vt paulò altiùs rê perpendam, tria enim considerata sunt in matrimonio; primum quòd sit contractus naturæ in officium propagationis generis humani à Deo institutus, sub qua ratione in statu innocentiae fuit, sed post grauem illam primorum parentum ruinam medicina etiam & præsidium esse cepit, ad compescendos indomitos animi motus effrenatasque cupiditates coercendas, vt rectè docuit Augustinus libro nono super Genesin; vbi ait: vtriusque sexus infirmitas propendens in ruinam turpitudinis, honestate nuptiarum rectè excipitur, vt quod sanis posset esse in officium, sit ægrotis in medicinam. In lege noua singulari priuilegio à Christo dotatum est, nam quando nuptias Canz Galileæ præsentiae suæ & miraculi splendore illustrauit, tunc virtutem sanctificandi, coniugo contulit. Vnde graui iniuriâ affecerunt VVitenbergenses Theologi gra-

grauissimum præstantissimumq; virum D.
Fridericū Staphylū scribentes vim Luthero
factam, ac nihil tale à quopiam suarum
partium ac factionum dictam vel scriptū,
cū contrarium à viro Clarissimo lucu-
lentissimis testimoniis passim ex Lutheri
scriptis depromptis cōfirmatum sit. Mul-
tas alias Theologis Scholasticis Calvinus
imponit calūnias, quas tacitus præterire
non possum, nam in illo suo opere de de-
structione, institutione inquam, religionis
Christianæ hæc ait: Matrimonium verò ti-
tulo Sacramenti commendatum immun-
diciem postea & pollutionem & carnales
sordes vocare, quā vertiginosa leuitas est.
Et paulò post, est & altera, inquit, in eorum
dogmatibus absurditas, in Sacramento
conferri gratiam Spiritus sancti affirmant,
coitum tradūt esse Sacramentum, in coitu
negant vnquam Spiritum sanctum adesse.
O audax facinus, o impudentiam prædi-
candam, quis Theologorū somniauit hoc
vnquam? afferant Calviniani vel vnum al-
cuius notæ Theologū qui hoc quod Theo-
logis vniuersis affingunt asseruerit; nam
quantū ad primum attinet Theologi
vnanimi consensu fatentur omnes, verum
matri-

matrimonium absque coniunctione carnali consistere, eamque ad essentiam & actum siue perfectionem primam coniugij non pertinere: idque exemplo Iosephi & Diuæ Virginis ostendunt, inter quos verum matrimonium sine carnali copula extitisse certò nobis psuadere D. Matthæus & testari videtur; nisi dicere velimus Diuæ Virgini pudicitiam à Iosepho ereptam eamque carnaliter cognitam, quod fidei & sacris literis prorsus repugnat. Non est igitur carnalis copula Sacramentum, vt falso imponit Theologis nostris Calvinus, sed perfectio quædam secundaria, siue actus secundus ad integritatem matrimonij faciens. Quòd porrò ait, Theologos Pontificios affirmare actus matrimoniales esse peccatū, falsum & illud est; quamuis enim pollutio semper corporis interueniat, cōgressus tamen omni culpā maculaque caret, iuxta illud diui Pauli; Honorabile coniugium & Thorus immaculatus. Vnde concedunt, eos qui non explendē libidinis gratiā sed procreandorū liberorum causā in vtilitatem Ecclesiæ Dei congregiuntur, plurimū apud Deum mereri. Hic error quem falso Calvinus Catholicis impin-

Hebr. 13.

impingit antiquorum Hæreticorum, Tattianorum, Encratitarum, Marcionistarum & Manichæorum fuit, qui nuptias, tâquam illicitas, prohibuerunt, vt refert Augustinus in libro de hæresib. Huiusmodi mendaciis scaterere solent libri Euangelicorum, ad rudem & miseram plebē seducendam, omniumque animos à Theologis Catholicis abalienandos; vt rectè sanè dixeris ad huiusmodi Euangelicos propriè spectare illud Esaię: posuimus mendacium in spem nostram, & mendacio protecti sumus. Nec certè hæc perniciofa deliramenta Lutheri propria, sed multis aliis communia censenda sunt. Quis enim ignorat dissectas ac distractas Hæreticorum nostræ tempestatis circa Sacramenta sententias? quem præterit, quanta vi & contentione cadmæi illi fratres digladientur. Philippus Melanchton in 1. ad Corinth. Epistola cap. ii, duo solum admisit signa sacramentalia Baptismum, & Cœnam Domini, reliqua, quæ numerantur, commenta esse hominū docuit; paulò post plura recepit, & ex duobus tria, & tandem quatuor fecit. Itaque quæ prius tanquàm inuenta humana reiecerat, ac maximo ludibrio habuerat, post, vt im-

G

motâ

mota Dei instituta amplexus & veneratus est. Lutherus de cœna Domini, octo recitat errores Zuinglianorum, Philippus eadem re quinque numerat Lutheranorum: confessionem priuatam peccatorum, confessio Augustana aliqua ex parte approbavit, eius tamē architectus Philippus ipsam prorsus est execrat⁹. Matthias Illyricus circa Pœnitentiam septem errores in lucem protulit? sed quis omnes dissentientes, ac discrepantes hæreticorum opiniones referat? Dolendum, me hercle, est hæreticos in oppugnâda salutaria subsidia tanto impetu ferri, ac in re tanti momenti tam hostiliter tûm à seipsis, tûm ab Ecclesia Catholica dissidere. In tanta tamen & innumerabili repugnâtissimarum opinionum varietate Præco ille Gœppingensis, Iacobus Schmidelinus, in cōtradictoriis & pugnantibus conciliandis mirum in modum exercitatus, Lutheranos in fundamēto & religionis capitibus concordēs esse; sed si quæ inter ipsos sunt dissidia, scholasticas velitationes & contentiones esse, scribere audet: cûm luce clarius sit eos, vt turris Babylonica ædificatores, inter se conuenire; quod nec ipsi hæretici dissimulare possūt.

De hoc errore accusat
Illyric⁹ Vvitenbergens.
& Lipsenses
Theologos,
in scripto cōtra Euangel.
i. corrupte
la in sua in
formatione
de quibusdā
fidei articulis.

Myricus enim, Amsdorphius, & Nicolaus Gallus non se de rebus leuibus & friuolis decertare scribunt; asseruntque Melanchtonicos & Adiaphoristas in septem præcipuis articulis à Cōfessione Augustana discessisse. Sed de hoc pertransennam satis. Quid verò de votis virginitatis, cœlibatûs, ieiuniis & institutis monasticis dicā? quis nescit eos hæc oīa Luciano more irridere, explodere ac velut diuinis oraculis & placitis aduersa & Christianę libertati inimica explodere? Grauis fuit quondā Heluidij & Iouiniani error, docētium virginitatē quo ad meritum, nuptiis parem esse, qui non mediocre Reipub. Christianę detrimētum attulit. Multi enim hac doctrina persuasi monasteria deseruerunt, ac neglecta votorum religione ad nuptias animū apulerunt; quem Maiores nostri publicis libris scriptisque ita confutârunt, vt multorum sæculorum obliuione obliterârint. Sed capitalis humani generis inimicus, q̄ nostrū omnium perennem interitū inexplebili cupiditate sitit, quæ omne Ecclesiasticam disciplinam ac virtutem conuulsam ac prostratam desiderat, non diu passus est olim damnatam illam hæresin in

Lege Augustinum in libro de hæres. & Hieronymum li. 2. aduersus Iouinianum.

tenebris iacere ac sordibus squalescere,
 sed per instrumētum suum Lutherum de-
 nuò in lucem reuocauit. Atque vtinam ea
 modestiâ fuisset Lutherus, sed suos ante-
 cessores audaciâ ac scelere longè supera-
 uit. Ipsi enim hoc solū docuere, virgini-
 tatem nuptiis non anteponendam, Ipse o-
 mnem castæ cœlibisq; vitæ legem sustulit.
 Illi hominem castè ac purè diuino auxilio
 viuere posse, non negârunt: Lutherus non
 minùs mortales se continere posse, ac sali-
 uam nō expuere, in puellarum adolescen-
 tumq; concione effutiuit. Illi Continen-
 tiam tanquàm singularem aliquam virtu-
 tem, cui tamen matrimonium dignitate
 ac merito non cederet laudârunt: Hic vir-
 ginitatem ac votum continētis, tanquam
 rem execrabilem, abominatus est. In libro
 de votis monasticis ita scribit; Cœlibatus,
 virginitas, aureolę, nugæ sunt & mera Sata-
 næ mendacia. Et in libro de coniugali vita
 volens ostendere impossibile esse seruare
 virginitatē, hæc ait; sicut in potestate mea
 nō est, q̃ sim mas, ita minimè in me sitū est,
 vt sim sine muliere; & aliquib. interpositis
 subdit, crescite & multiplicamini, non est
 præceptum, sed plusquàm præceptū, quod

nos

nōs non possumus impedire vel pratermittere, sed perindē necessarium est, & magis necessarium, quā edere, bibere, purgari, expuere, dormire & vigilare. Hæc Lutherus. Et quoniam non ignorabat vitā doctrinæ consentiētem plurimū ad mouendum valere; tū quò facilius populo persuaderet, tū quò commodius in Ecclesiæ Proceres, clerum & monachos non sine graui bonorum omnium dolore, crapulæ, auaritiæ, scortationibus, aliisq; Epicureis voluptatibus deditos debaccharentur, caninam illam doctrinam non fuit, contentus verbo & scripturā docere, sed exemplo confirmare, ac vitā ipsa exprimere voluit. Difficilimis enim temporibus ac in magno Germaniæ luctu, tanquā de euerso Pontificio regno, aut mox ruituro triumphans, virginem Deo dicatam, vt similes haberent labra lactucas, incestis sibi nuptiis copulauit. O tempora, ô mores, vbi nam gentium sumus, in qua Republica viuimus. Romani olim natura tātū duce vtentes in virgines vestales de stupro conuictas grauissimis suppliciis animaduertunt, easque viuas terræ mandârunt; nostro vero tempore, quo nobis diuini verbi

lux affulsit, iis qui cucullâ abiecta è clau-
 stris sacrorum collegiorum aufugiunt, re-
 ceptui locus datur, præmia ac honores p-
 ponuntur. An fidem Deo datam fallere sit
 Euangelicum, ac homine diuino numine
 afflato, qualè se iactauit Lutherus, dignû,
 aliorum esto iudiciû; ego vt de me solû
 quid sentiam dicam, nec capere possum
 nec induci vt hoc credam; cû totius vni-
 uersitatis Opifex ea quæ religiosè sibi pro-
 missa sunt custodiri ac obseruari præci-
 piat; vouete, inquit, & reddite, alibi etiam
 ne tardâdum quidem votum semel emis-
 sum mandat. Sed vt ad propositum reuer-
 tar non solû Lutherani in aciem descen-
 dunt contra Virginitatem, sed Calvinia-
 ni etiam coniunctis armis ac viribus eam
 inuadunt ac oppugnant. Calvinus enim
 in suo opere de institutione, dixerim po-
 tiùs destructione, Christianæ libr. secundo
 capit. tertio interpretans præceptum il-
 lud, nō mœchaberis, hæc ait: Hac lege con-
 ditus est homo, vt solitariam vitam non
 agat, sed adiuncto sibi subsidio vtatur, de-
 indè ex peccati maledictione in hanc ne-
 cessitatem magis adductus est. Et cû
 docuisset, meliùs esse nubere quàm cum
 scorto

Calvinus li
 bro 2. ca. 3.
 parag. 42.

scorto coire in sacerdotes, & monachos perpetuam Deo castitatem promittentes inuehens, sic inquit: Nostri verò sacrifici, monachi & moniales, omiſſa huiusmodi cōſideratione, cœlibatui pares ſe eſſe cōfidunt. Quo enim oraculo edocti ſunt, cōſtaturam ſibi tota vitâ caſtitatem in cuius finem eam vouerint: audiunt de vniuerſali hominum conditione Dei vocem, non eſt bonum homini eſſe ſolum, intelligūt, atq; vtinam non ſentirent peccatum in nobis manens non carere acerrimis aculeis, illam generalem vocationem, qua fiducia audēt excutere per totam vitam, cū donum continentia ſapiūs in certū tempus, prout opportunitas requirit concedatur. Egregiam verò laudem & ſpolia ampla reſertis. An non vos pudet multis antè ſæculis à priſcis Patribus, Origene, Hieronymo, Auguſtino damnata dogmata in mediū afferre? Sed reſpōdebunt hēretici ſe de his quæ acta ſunt parū curare, Patres veteres imperitos, rudes, aſinos papaſcellos ac hermophroditos fuiſſe, ſe ſolos præſtāti eruditione ac doctrinā præditos. Quæ tāta eſt veſtra arrogātia? ita ne ſanctiſſimos doctiſſimoſq; illos viros cōtēnere audetis?

Vtinam,vtinam D. Hieronymum vel Augustinum à morte ad carceres, à morte ad vitam reuocari contingeret, non dubitarem enim breuè totum mundum in antiquo statu futurū. Quis enim, vt Originem & alios omittā, D. Augustini; Hieronymi, eloquentiæ, sapientiæ, doctrinæ, auctoritatis, sanctitati resistere valeat, eorū ne auctoritatem sustinere possentis? Non minùs iactā runt sese ac immoderatè extulerunt, Heluidius, Iouinianus, Basilides, ac nostro tēpore hæretici, sed quā pares ipsis fuerint, exitus declarauit; ab iis enim victi ac superati in silētio ac obliuione hominum vitam traduxerunt. Sed ne Patrum tantū auctoritate niti videamur, scripturæ etiā testimonia adhibenda sunt, quæ pro hac re confirmanda ita sunt perspicua, vt nihil clarius dici possit. Diuus enim Paulus in Epistola 1. ad Corinth. c. 7. tam clarè hanc rem tractat, vt cæcitatem Hæreticorum admirari satis non possim. Bonum est, inquit, mulierem non tangere; & in fine: Qui matrimonio, ait, iungit virginem suam benè facit, & qui non iungit meliùs facit, hæc enim cogitat quæ Dei sunt, vt sit sancta mente & corpore, quæ verò nupta est
cogi-

cogitat quæ sunt mûdi, quomodò placeat viro. In quo quidem loco D. Paulus non solùm virginitatem vehementer commēdat, verùm etiam nuptiis longè antefert. Hoc idem egregiè expressit humani generis Conseruator, cùm difficultatem huius virtutis ostendere volens dixit, non omnes capiūt verbum istud, sed quibus datum est, & qui potest capere capiat; bona enim quæ difficulter acquiruntur & conseruantur, nobilissimi ordinis esse, in confesso est. Atque vsque adeò hæc loca clara sunt, vt Calvinus coactus fuerit sentētiam suam, quā prius omnem virginitatem damnauerat moderari, ac perpetuam solùm virginitatem, non illam, quæ exigui temporis definita est cancellis, reprehendere, vt extertio capite libri citati patet, vbi sic ait: Virginitas, fateor, virtus est non contēnenda, sed quoniam aliis negata est, aliis non nisi ad certum tempus concessa, qui ab incontinentia vexantur, & superiores in certamine esse nequeunt, ad matrimonij subsidium se conferant, vt ita in suæ vocationis gradu castitatē colant. Sed quàm inepta sit hæc Caluini doctrina, facilè quis animaduertere potest. Si enim virgini-

tas temporaria virtus est, & perpetuam virtutem esse; necesse est, sunt enim eiusdē rationis, ac breue & diuturnum in moralibus, vt optimè nōrunt Theologiæ periti, non variant speciem. Et cū omnis virtus circa bonum difficile ac arduum versetur, sequitur virginitatem perpetuam temporaria longè esse prastantiorem; vt potè in cuius assecutione plūs laborandum sit: Verū non solū rationibus ē morali Philisophia petitis, sed etiam expressis sacre Scripturæ testimoniis confutari potest hæc Caluini cauillatio. Diuus enim Paulus cū ait, bonum est mulierem non tangere, & melius est non iungi matrimonio, quā iungi, non ad certum aliquod tempus, sed cū generatim & sine vlla temporis limitatione loquatur, per totius vite cursum id intelligit. An non etiā in eodem capite, viduis graui onere ac molestiis perfunctis, ne in miseras iterum se coniiciāt, ac iugum matrimonij denuò humeris suis imponant, sed potiūs iucundissima libertate perfruantur, ac in perpetuum continentes viuant, consulit ac suadet? verba eius hæc sunt: Mulier alligata est legi, quāto tempore vir eius viuit, quòd si dormie-

rit,

rit vir eius, liberata est à lege, cui autem vult nubat tantum in Domino; beatior autem erit, si sic permanserit, secundum meum consilium, puto autem, quod & ego spiritum Dei habeam; & ibidem, si solutus es ab uxore ait, noli quærere uxorem. Non obstantibus tottantisque perpetuæ virginittatis encomiis ac præconiis, perpetuam virginitatem proscindere non erubescit Calvinus, omnibus enim persuadere conatur, ut ad nuptias conuolent, & uxores non habentes ducant. Cur ita, Caluine, times fortasse ne hominum societas pereat, aut mundus hominibus orbatus relinquatur, sed non est quod adeò sis sollicitus, Caluine, facile te hoc metu liberabo: an ideò, quia perpetuam virginitatem peccatum censes? sed nec hoc verè dici potest, nisi dicere velis summam virtutem, ut supra probatum est, vitium esse quod extremæ dementiæ est. Quis enim ambigat perpetuam virginittatem rem esse laudabilem ac honestam, cum ad eam Christus, & D. Paulus nos exhortati fuerint? An quia eam seruatu impossibilem arbitraris? sed nec hoc quidem intelligo, de re enim impossibili non datur consilium. An dubitas, Caluine, de promissione Christi,

qui

qui quicquid in nomine suo à Patre cœle-
 sti efflagitauerimus, certò illud, dummo-
 dò honestum sit, & ad corporis & animæ
 salutem spectet, tributū iri affirmat; quid
 igitur hæsitas, Caluine, cum qui donū cō-
 tinentiæ petat exauditum iri, ac eius pre-
 ces non fore irritas? An ignoras, Caluine,
 Deum, qui dat vires, vt continentia per ali-
 quod tempus cōseruetur, sua gratiā & au-
 xilio non defuturum, vt in perpetuum ser-
 uetur; Sed hæc missa faciamus, & argumē-
 ta Hæreticorum nunc ordine discutiamus.
 Obiiciunt enim primū omnibus homi-
 nibus datum esse generale nuptiarū præ-
 ceptum per verba illa; crescite & multipli-
 camini. Vndè omnes & singulos volunt
 diuino mandato ad nuptias contrahen-
 das esse obligatos. Reuocat me hæc quæ-
 stio ad disputationem illā Theologicam,
 quā quæri solet, quo tempore præceptum
 illud Geneseos nos obligare desierit, de
 qua re, vt paucis me expediā, tres reperio
 diuersas Theologorum sententias. Qui-
 dam enim tunc cessasse præceptum hoc
 docuere, quando mundus id immensum
 excreuit, ac genus humanum abundè fuit
 propagatum, quod quidem hac ratione
 sibi

sibi persuaserunt; putârunt enim cessante
fine cessare etiam medium ad illum finem
institutum; vt in aliis rebus perspicitur.
Alij quando Christus cœlibatum laudauit
eorum, qui se propter regnum cœlorum;
(vt diuinæ scripturæ verbo vtar) castraue-
runt, cessasse opinantur; consilium enim
& præceptum circa eandem rem mutuò se
tollunt. Sunt denique inter quos est, san-
ctissimus & celeberrimus Ecclesiæ doctor
Thomas Aquinas, qui præceptum hoc, ho-
diè adhuc vigere docent. Quæ sententia
tanquàm verisimilior in Academiis Ca-
tholicis nunc defenditur. Habetis igitur
Caluiniani, quod vobis maximè optadum
est, me confitentem præceptum illud de
procreatione ac propagatione generis hu-
mani hoc nostro tempore vim suam obti-
nere; sed tamen ita confitentem, vt nihil
commodi vestræ causæ indè accedat, nihil
nostræ decedat. Quod vt planè intelligatur
sciendum est, duplicia esse præcepta: Que-
dam sunt quæ sic obligant omnes, vt ob-
stringât etiam singulos, cuius generis sunt
omnia præcepta Decalogi: Alia sunt rur-
sum, quæ totam Rempublicam obligant,
non tamen singulos quosq; eiusdem Rei-
publicæ

publicę cuiusmodi multa sunt in Republica ciuili, vt præceptum de magistratibus de agricultura & aliis artibus mechanicis, quę res Reipublicę simpliciter sunt necessarię, non tamen obligantur omnes vt sint rustici, & agrorum cultores vel opifices. Primam conditionem habuit præceptum nuptiarum in initio, quando homo fuit conditus, propterea quod causa præcepti, nimirum propagatio hominum tunc maximè vrgebat. Vndè initio orbis conditi, quia Adam erat tota Respublica filios suos cogere potuit, vt connubia inter se conciliarent, quousq; iusta esset generis humani propagatio; & pari lege Noa filios suos & nepotes potuit compellere. Propagato autem satis genere humano, ac longè lateque per orbem diffuso non singulos homines, etiam ante Christum natum obligauit, sed totam Rempublicam in qua erat necessarium, vt aliqui liberis operā darēt, sed non singuli. Constat enim Hieremiam, Heliam, Helisæum, tres pueros in Babylonis fornacem missos, Daniele, Ioannem Baptistam cœlibes vixisse; quos ideo grauius peccasse, hæretici fateri coguntur. Et certè si Hæreticorum sententia vera est,

non

non solum sequitur hos innocentissimos
integerrimosq; viros grauitèr deliquisse;
sed etià perpetuis suppliciis addictos. Ne-
mo enim ignorat finalem impœnitētiam
siue propositum in peccato perseuerandi
æternam mortem asserre, sed in propo-
sito conseruandæ virginitatis hos omnes
mortuos esse certissimū est. Vnde si virgi-
nitatē cōseruare, nuptias respuere, pecca-
tum est, yt dicunt hæretici, euidēter sequi-
tur hos omnes mortifera labe infectos ex
hac vita excessisse, ac per consequēs æterna
morte deletos. Quod si quis concedat, cū
non tam verbis tractandum, quàm fusti-
bus & plagis accipiendum existimo, cū
Scripturam sacram, quæ prædictos ob vitæ
sanctimoniam mirum in modum celebra-
uit ac ad cœlum extulit, erroris ac mēdaciij
arguat. Quid respondebunt hīc hæretici?
Lutherani constricti tenentur. Calvinistas
sophistica illa de perpetua, & temporaria
virginitate distinctio nihil iuuabit; nam hi
de quibus loquimur perpetuò continētes
fuere? Videant igitur nostri aduersarij ne
dū nimis nuptiis fauere volunt, D. Ioannē
Baptistam & alios sceleris labe aspergant,
& quod intollerabilius, est condemnent,
sed

sed hoc aliis perpendendū relinquo. Tempore autem gratiæ cū Christus hæc verba protulit; qui potest capere capiat, tunc præceptum illud generale eo modo, quo dictum est, reuocauit ac omnibus & singulis liberum reliquit matrimonium vel cœlibatū eligendi. Sed instant hæretici, quòd si omnibus libera optio concessa esset, neminem nuptias amplexurum, sed omnes ac singulos matrimonij molestias declinatu-
 ros, ac proinde periculum fore ne humanū genus collabatur. Sed noua responsione non opus est, illis idem respondeo, quod incredibili mentis altitudine præditus, D. Augustinus antiquis hæreticis olim respondit, qui in libro de bono coniugali primū ait, sanctos Patres veteris legis non debuisse abstinere à concubitu, propterea quòd ex illis carnem humanam Christus assumpturus erat, deindè in fine capitis non hæc, quæ sequuntur, verba subiungit: Nunc verò cū ad ineundam sanctam & synceram societatem vndique ex omnibus gētibus copia spiritualis cognationis exuperet, etiā propter filios solos connubia copulare cupientes, vt ampliori potiùs continentię bono vtatur admonendi sunt.

Sed

Sed noui quosdam qui murmurant, quòd si, inquit, omnes velint ab omni concubitu abstinere, vnde subsistet genus humanum? Vtinam hoc omnes vellent, duntaxat in charitate, de corde puro, & cōscientia bona, & fide non ficta, multò citius Dei ciuitas compleretur, & acceleraretur terminus sæculi. Quid enim aliud hortari apparet Apostolum vbi ait: vellem omnes esse sicut meipsum. Concedunt etiam nostri Theologi, si cōtingeret Nationem aliquam aut ferro excindi, aut peste confici (quod malum DEVS auertat) posse tunc Rempubicam, vnumquemque, etiam religiosos, ad matrimonium ineundū compellere. Secundò obiiciunt Lutherani, virginitatem vires nostras longè superare, & propriæ vitæ esse valdè inimicam; non minùs enim Venerē ad vitæ conseruationem necessariam esse, quàm cibi & potûs vsum, arbitrantur. Quod quidem argumentum Hæretici non proprii ingenij acumine inuenerūt, sed, vt ipsorum consuetudo fert, à damnatis Hæreticis emendicârūt. Iouinianus enim, vt refert diuus Hieronymus, idem pro sui erroris defensione attulit, ac neminem inditæ coëundi inclinationi re-

H

sistere

sistere posse docuit. In quo multum Hæreticorum cæcitatem admiror; ridiculum enim est, & stultum cum de facto constat, fieri ne possit, aut potuerit, dubitare, ne dicā, negare: Cum autem omnibus notum sit, D. Virginem, Ioānem Baptistam, Euangelistam, & alios plures virginitatem inuiolatam conseruasse, quid diu obstrepere nobis audent? Fateor equidem virginitatem tam excellentis naturæ & conditionis esse, vt humanas vires facilè excedat, hoc solum contēdo, nos diuino auxilio suffultos virginitati posse esse pares. Hoc enim subsidio fretus D. Paulus stimulum carnis, cui succumbendum timuerat, refrenauit, hoc auxilio adiuti, innumeri sanctissimi homines, tam veteris quàm nouę legis, castitatem integrè coluerunt; hoc denique præsidio septi nihil est tam durum ac asperum, quod vincere & superare non possimus; vt verissimè dixerit. D. Paulus: omnia possum in eo qui me confortat. Hanc responsionem antè occupare & expugnare conatur Calvinus in libro sæpe nominato, ait enim; neque mihi quispiam obstrepat (quod multi hodiè faciunt) Dei se auxilio adiutum omnia se posse; Dei enim

auxilium non nisi iis adest, qui in viis suis
 ambulant, à qua omnes se subducunt, qui
 præteritis Dei subsidiiis, necessitates suas
 superare eluctariq; inani temeritate con-
 tendunt. Sed hæc adeò absurda & impia
 sunt, vt longa responsione non indigeant.
 Dicit enim primùm illū præterire Dei sub-
 sidia, qui à carne vexatus non statim ad nū-
 ptias sese recipit; quasi nullū aliud sit sub-
 sidium edomandæ carnis nisi illud. An nō
 nōsti sine Cerere & Bacho frigere Venerē?
 non sine causa admonuit nos D. Paulus vt
 ebrietatem fugeremus his verbis: nolite
 inebriari vino, in quo est luxuria; sciuit e-
 nim vir sanctissimus multa mala ex im-
 moderato vini potu oriri: ignoras ne esse
 quosdam adeò potentes spiritus hostes,
 qui superari sine ieiunio, oratione & aliis
 carnis attritionibus nequeunt? An non le-
 gisti eos solū præmium & coronam ma-
 nere qui fortiter certauerint? Sensit carnis
 aculeos D. Paulus, senserūt & alij innumeri
 sancti, non tamen desperatione fracti ad
 matrimoniū confugerūt. Secundò docet,
 inanem esse temeritatem illius, qui DEI
 adiutorio fretus, contendit superare om-
 nem carnis tentationem, præsertim vehe-

mentem. Aut igitur Caluinus non omnipotentem credit Deum, aut adiuuare nolentem, quorum vtrumq; absurdissimum est: quid enim cogitari potest absurdius, quàm docere nos diuina ope confirmatos tentationibus ac carnis oppugnationibus resistere non posse? Audi, quæso, quid dicat D. Paulus: fidelis est Deus qui non patitur nos tentari; supra vires nostras nullus est igitur tam grauis, & vehemens carnis impetus, quæ diuino auxilio reprimere ac repulsare nō valeamus; quod etiam multorum sanctissimorum virorum exempla ac vita declarat. D. enim Paulū a cīnīfinitos alios, quamuis acriter oppugnati fuerint, victores discessisse, nulli dubium est. Quocircā non est, quòd quisquam de tali victoria, dummodò diuinam opem diligenter imploret, & adnitatur pro viribus, dubitet. Quòd si dicat Deum non velle omnes iuuare, mendacem facit Deum, qui se omnibus in veritate nomen suum inuocantibus præstò adfuturum promittit & Matth. 11. Omnes laborantes & oneratos recreatum ad se vocat; graue autem esse virginitatis onus experiuntur ij, qui illud sufferunt. Habēt hoc omnes Hæretici in more positum,

positum, vt aliorum ingenium ex suo me-
tiantur, & quod ipsis tùm ob corruptam
deprauatamque consuetudinem, tùm ob
excæcatum rationis lumen ἀδιανόητον vide-
tur, idem ab aliis iudicari putent; sed lon-
gè diuersum sentirent, si sanctos Patres le-
gissent. Aurea certè sunt Augustini verba
ac scitu dignissima in libro 2. de meritis &
peccatorum remissione c. 2. vbi sic, inquit:
casti non sumus, nō quia nō possumus, sed
quia nō volumus: & super Psalmum quin-
quagesimum quintum iterum ait: in te est
quod voueas & reddas. Multa ad hoc pro-
positum præclara afferunt Chrysostomus,
Origenes, & alij; quæ si considerâssent, &
penitus animo infixissent, Calvinus, Zuin-
glius, Oecolampadius, Lutherus, VVolf-
gangus Capito, Martinus Bucerus, & ho-
rum asseclæ fidem Deo datam non tam te-
merè profanâssent. Sed valeant Lutherani
vnà cum grege Calvinistarum, nihil nos
mouebunt ipsorum calumniæ, nulli Chri-
stiano benè educato ac instituto inuisam
odiosamque reddent virginitatem; cùm
Dei filius ex virgine nasci voluerit, virgini-
tatemque multis encomiis extulerit. Sed
de hoc satis: Quòd instituta monastica ac

omnem vitam austeram è religione Chri-
 stiana exterminatam profligatamque cu-
 piunt, non miror, faciunt id exemplo suo-
 rum præcessorum, Ioannis Hufsi, VVicle-
 phi, Hieronymi Pragensis, qui eos omnes,
 qui, ne mundi voluptatibus atque illece-
 bris caperentur, arctiorem sibi viuendi ra-
 tionem ad Christi Apostolorumq; vitam
 aliquo modo accedentem, præscripserunt,
 ac sese temperantiæ, continentię & alia-
 rum maximarum virtutum legibus astringe-
 runt, damnauerunt. Sed quis non videat
 eos delirare, cū exemplar sanctitatis Ioan-
 nem Baptistam, Antonium, Franciscum,
 qui multis miraculis floruerunt, Deoque
 gratissimi fuerunt, tam duræ ac asperæ vi-
 tæ authores habeamus? Illud autem quod
 Magdeburgenses Centuriatores de Diuo
 Ioanne finxere, plusquàm fabulosum est,
 vt vehementer mirer illos tam parùm ho-
 noris sui rationem habuisse, ac se omnibus
 nationibus deridēdos obieciisse. Longum
 esset singula prosequi; plura de his Deo
 dante aliàs. Quæ quidem omnia, vt ad id,
 quod totius huius controuersię caput &
 basis est, accedam; quamuis valdè sint per-
 spicua, & ad illorum mendacium confu-
 tandum,

tandum qui Lutheranos, quantum ad bonorum Operum necessitatem, à nobis nō discrepare docuere, sufficientia tamen, ut omnis dubitatio ex hominū animis euellatur, aliqua adhuc loca adiungam. Lutherus enim in Commētariis epistolæ ad Galathas Dei & proximi amorem ac malè factorum pœnitentiam ad salutem non esse necessaria apertè docuit: scripsit etiam in iustitiò legem neque ante neque post iustificationem esse necessariam; ac bona opera esse omninò inutilia. Quam doctrinā paulò post in Antinomos inuehens hoc modo correxit, quòd lex ante iustificationem ad peccata cognoscenda necessaria sit, postea vero prorsus inutilis. Alibi etiam bona opera potius nobis impedimento fore ad salutem, ac nos per illa iram Dei promereri asseruit: accedit & illud quòd iustum in omni opere bono peccare censuerit. Quem errorem multi alij hauserunt (nihil enim vnquam tam fœdum & à communi hominum sensu tam alienū dictum fuit, quòd ab ipsius discipulis non diligenter exceptum, & pro puro Evangelio habitum non fuerit.) Nam Matthias Illyricus, Nicolaus Amfiorphius, Ioānes Agri-

cola non vulgares apud Lutheranos scriptores bona Opera animæ pernicioſa eſſe publicis ſcriptis defenderunt; quos Nicolaus Gallus, & plures alij Saxonici concionatores ſecuti ſunt. Taceant igitur Cōfeſſionistæ, qui Suos bonorum Operum nomine falſò à nobis traduci grauiter conqueruntur. Verba Apologiæ Confeſſionis Auguſtanæ hæc ſunt: falſò accuſantur noſtri quòd bona Opera prohibeant, ſed non eſt neceſſe pluribus ad hoc reſpondere, quàm malè enim rigidi Lutherani de bonis operibus ſentiant ex dictis patet. Illi porrò qui bona Opera admittunt, quàm inter ſe diſſentiant, nulli obſcurũ eſt. Nam quàmuis in eo omnes conueniant, bona Opera requiri non vt per ea iuſtificemur aut mereamur, ſed ſolùm vt fidẽ declaremus & teſtemur, in aliis tamen plurimùm diſſentiunt. Aliqui enim ea ſolùm bona Opera exercenda eſſe ſibi perſuadent, quæ ſacris literis expreſſa, nobisquẽ à Deo iniuncta ac præcepta ſunt. Alij illa ſolùm quę in proximi vtilitatẽ vergunt, qui ſanè omnes, ſi res diligenter perpèdatur, nomine ſolùm concedunt bona Opera, re autem prorſus tollunt. Nam ſi vera ſunt quæ

ab istis tanquam certa ac indubitata scripturæ oracula vulgò proponuntur; Deum nimirum esse hominibus causam peccandi, Deum nos ad blasphemias, scortationes, furta, latrocinia, prædationes, mendacia imposturas, ac ad omne gen⁹ flagitiorum impellere, conatum ad honestum esse peccatum, extinctam esse arbitrij nostri libertatem, omnia fatali necessitate contingere, nō video quomodò sibi consent. Quo enim iure à nobis Deus bona Opera requireret, aut puniet mala, cū in nostra potestate non sit bonum eligere ac malum refuge-
re, cū arbitrium nostrum merè se habeat passiuè, cū denique ad omnia non liberi sed diuinit⁹ impulsī feramur & rapiamur? Præterea cū docent, nullum esse apud Deum meritum, quid aliud intendunt, quā ut omnia rectè facta, & virtutis actiones eleuent ac explodant? Dolent Lutherani tot vitia in Lutheranismō increuisse ac Aſoticam & Epicuream planè vitam passim apud suos vigere, sed non est quòd doleant, hi enim sunt præclari noui Euangelij fructus; quare si vitia extirpare, si mores, p-
fligatos restituere, si virtutem exulantem reducere cupiunt, dogmata ex quibus hi

Calvinus
in libro de
prædestina-
tione.

Lutherus
in Postilla
magna in
dominicā
aduentū.

ORATIO DE LAUDI-
BVS D. VIRGINIS MA-
RIÆ HABITA IN FESTO
Assumptionis, Romæ.

MVLTA sunt præclarè, ac diui-
nitùs à Maioribus nostris in-
stituta (Aud. ornat.) quæ ma-
ximas Reipublicę Christianę
utilitates attulerunt, & Religionis digni-
tatem splendoremque maximè conserva-
uerunt: Illud tamen diuina quâdam mihi
videtur ab eis sapientiâ constitutum, quòd
sanctis hominibus, optimeq; de Republi-
ca Christiana meritis diuinos honores, fe-
stosque dies statuerint, atque decreuerint.
Quarè in tanta huius diei celebritate, po-
puli que Christiani lætitia vellem equi-
dem Aud. yt tanta sapientiâ, dicendi que
facultate præditus essem, quantam diei re-
ligio, loci amplitudo, rei dignitas, ac om-
nium denique vestrûm expectatio postu-
lare videtur. Verùm cum propter ingenij
tenuitatem, dicendi que inopiam tanto
oneri parem me esse non posse sentiam,
augustam inprimis Virginem precor, vt
mihi

mihi ex hoc ornatissimo dicēdi loco verba apud vos facienti opituletur, ac faueat. Deindē vōs oro, atque obtestor Aud. vt me vestra humanitate subleuetis. Atque vt inde nostra proficiſcatur oratio: Primūm quanta ſit ſummi illius rerum omniū Opificis, Mūdiq; architecti Dei erga homines, tūm morum integritate conſpicuos, tūm vitę ſanctitate florentes, benignitas, quanta clementia, quā denique Deus immortalis admirabilis ſit in Sanctis ſuis cognoscamus oportet; faciliū enim intelligemus, quā glorioſa fuerit Virginis Matris in cœlum proſectio. Ea enim eſt Dei Opt. Max. in ſanctos ſuos beneficentia, vt eos non ſolūm in illa immortalī, ac perenni vita æternis præmiis cumulatos, cœleſtiq; patria donatos, verū etiam in hoc ærumnoſo exilio ampliſſimis muneribus, ſummisq; honoribus auctos velit, & exornatos. Cuius diuinę munificentię argumenta ſi in cæteris ſanctis tot tantaq; ſunt, vt cū ea paulò diligentiū intuemur, admiremur plurimū, ſuſpiciamus, obſtupescamus, diuinamq; liberalitatem prædicemus, ac ad cœlum vſque laudibus extollamus, qua, quaſo, admiratione, quo ſtupore

144

B. MARIE VIRGINIS.

stupore afficiemur, si paululum mentis
 aciem in B. hanc Virginem cōuerterimus,
 quæ adeo omnibus admirandis dotibus,
 ac ornamentis est insignis, vt in eam propè
 vnam excolendam, ornandam, atque illu-
 strandam diuina prouidentia omnes alio-
 rum prærogatiuas, omnes honores, ac or-
 namenta contulisse, ac transfudisse videat-
 ur. Nā, vt alia, quæ penè sunt infinita, præ-
 termittam, quàm singulare, ac diuinū fuit
 illud ornāmētum, quo ab immortali Deo
 est exornata, cūm præpotentis Dei filij di-
 gnissima Mater, honorifica cœlestis nuntij
 salutatione appellata est, atq; promulgata.
 Potuisset sanè Aud. hoc vnicum ornamen-
 tum ad nominis immortalitatem, poste-
 ritatisque commendationem D. Virgini
 sufficere, verū tātum extitit Dei immor-
 talis in hac Virgine illustranda studium, vt
 ne in hoc quidem tām excellenti bono ac-
 quiescere, aut illam ornandi finem face-
 re voluerit, sed vt ipsius fama, atque glo-
 ria omnes oras peruaderet, hoc tantum
 ornamentum incredibili quodam genere
 honoris cumulauit. Etenim clarissimī
 triumphī accessione ita illam nobilitauit,
 vt non fœmina mortalis corporis vinculis
 astricta,

astricta, ergastuloque inclusa, sed ab omni
 fragilis corporis mole, compagibusque
 libera, ac soluta, non fœmina quædam in
 hac terra nata, sed diuinitus de cœlo de-
 missa esse videatur. Quid enim graui⁹ dici
 potest? Hodie sacra, & animata Dei archa
 Spiritus sancti molitione fabricata in cœ-
 lestibus tabernaculis collocatur. Hodie
 pulcherrima illa radix Iesse in altum ascē-
 dit. Hodie mulier illa, quæ antiqui serpen-
 tis caput infestissimum perfregit, atq; cō-
 triuit, magno cum triumpho ad fœlicissi-
 mas beatissimarum mentium sedes cor-
 pore etiam induta contendit. O rem ad-
 mirabilem, ac stupendam, Cui, quæso, post
 hominum memoriam (vnico humanæ sa-
 lutis authore excepto) ita cœlos adire cō-
 tigit? Legimus quidem, clarissimos diui-
 norum oraculorum vates, sanctissimosq;
 viros, Heliam, Enoch, Ioannem Euangeli-
 stam ex hominum conspectu, oculisque
 esse sublato, atq; ad amenissimos illos Pa-
 radyfi terrestres hortos diuinitus esse trās-
 portatos, verum mortalem ad cœleste do-
 micilium esse translatum; atque ad supe-
 rorum Concilium euocatum, est ita no-
 uum, vt cunctis sæculis sit inauditum; ita
 admi-

B. MARIE VIRGINIS.

admirabile, vt animus capere vix possit.
 Hodierno itaq; die clarissima Virgo igno-
 miniam ex illa miserabili clade contractâ,
 ac perpetuò fœminarum nomini inuistam,
 deleuit, flagrantissimumq; in fœminarum
 texum incendiij odium prorsus extinxit:
 nam & amissa ornamenta quadantenus
 restituit, acceptaq; detrimenta maioribus
 commodis restaurauit. Primę mulieris ef-
 frænata cupiditate gratiâ cœlesti excidi-
 mus omnibusq; ornamentis, quibus à Deo
 abundantissimè cumulati eramus exuti,
 ac spoliati sumus. Huius verò Virginis sin-
 gulari integritate tantum ex iis, quibus
 priuati eramus, recuperamus, quantum
 ad æternam salutem facile comparandam
 est satis. Primæ mulieris præcipiti furore
 ex iucundissimis Paradyfi terrestres sedibus
 expulsi, profligati, atque ad has vltimas or-
 bis terrarum partes deturbati, ac relegati
 sumus. Huius incredibili sapientiâ in lon-
 ge fœlicissimo gratiæ ac vitę statu colloca-
 ti sumus. Illius grauissimo scelere sub im-
 manissimi Tyranni imperium, ac potesta-
 tem, seruitutemq; longè acerbissimam
 cecidimus. Huius verò sanctissimę Virginis
 diuina virtute à grauissimo seruitutis iugo
 libe-

liberati, ac in libertatis statum restituti sumus. Illa nobis iter, accessumq; ad beatorū sedem interclusit: Hæc aditum nobis interclusum, atq; omni ex parte obstructum, quantum suarum quidem partiū fuit, aperuit, atq; patefecit. Illa nos tantū non in desperationem adduxit, omnemq; nobis salutis spem ademit. Hæc nos afflictos recreauit, fractos confirmauit, desperantesque propemodū, ad certissimam salutis spem erexit. O diem iucundum, nobisque omnibus vehementer exoptatum. O Virginem præclaram, ac planè diuinā. An non hoc altissimo quodam consilio à Deo immortali factum esse, existimatis, quòd muliere, tanquam instrumento quodā, ad humani generis salutem vti voluerit? An non hîc clarè Dei Opt. Max. erga hanc Virginē, beneuolentiā, benignitatemq; perspicitis, quòd tantum vni mulieri, quantum nulli vnquam mortaliū tribuerit? Quibus ergò te, beatissima Virgo, pro tam diuinis atq; innumerabilib. beneficiis, laudibus extollemus? quo studio complectemur? qua beneuolentiā prosequemur? qua obseruatiā colemus? Nos certè tātum tibi debemus, quantū persolvere nullo modo possumus.

Tanta

Tanta enim est magnitudo tuorum in nos
meritorum, vt si totum vite nostre tempus
in te exornanda, diuinisq; tuis laudib. præ-
dicandis consumamus, non solum magni-
tudini tuorum officiorum non satisfaciamus,
sed ne minima quidem ex parte cor-
respondeamus. Quid verò de clarissimo
triumpho dicam? Vtinã Aud. ea esset ocu-
lorum nostrorum acies, vt beatissimam
Virginem triumphantē, ac cœlestia regna
petentem intueri, tantiq; triumphi specta-
tores esse possemus. Admiraremur profe-
ctò tantum splendorem, atq; vnà cum illo
beatorum spirituū cœtu in hæc verba pro-
rumperemus: Quæ est ista, quæ progredi-
tur, quasi aurora consurgens, pulchra vt
Luna, electa vt Sol, terribilis vt Castrorum
acies ordinata? intueremur cœlestes acies
eam incredibili cum pompa, ac triumpho
ad cœleste domicilium transportantes, in-
spiceremus innumerabilem beatarū men-
tium multitudinem ex omnibus cœli par-
tibus ad spectandum tantum triumphum
effusam, cerneremus omnes ordines cœ-
lestes lætantes, gratulantes, ac Dei, beatif-
simaq; Virginis laudes personantes, vide-
remus deniq; clarissima religionis nostræ

lumina, atque ornamenta, omnes Apostolos, amplissimumq; senatum cœlestem sanctissimæ Virgini obuiam procedentem, eamq; diuinis, atq; immortalibus honoribus excipientem. Verùm cùm imbecillitas, viriumq; nostrarū angustia id minimè patiatur, illud relinqui videtur, vt similitudine, comparationeq; ad huius clarissimi triumphī splendorem deueniamus. Ac ne omnia dicendo cōsecter, quā, quæso, voce, aut quibus verbis, humanæ salutis Autorem dulcissimam Matrem excipiendo, atque amplectendo vsum fuisse existimatis? Surge, propera, amica mea, speciosa, veni columba mea. O vocem iucundā, ac quouis dulcissimo concentu suauiorē. Quantum cedō Aud. Beatissimam Virginem ex dulcissimi Filij, cuius desiderium ferre vix potuit, aspectu, colloquioq; lætitiā, voluptatemq; hausisse arbitramini? Equidē sic existimo, tāta eam affectam esse lætitiā, gaudioq; cumulatā, vt præ gaudij magnitudine exultārit. Quid enim ipsi iucūdius accidere potuit, quā tandem aliquando illius cōspectu frui, quem à se diuulsum, atq; abstractum maximis doloribus, ac lachrymis erat prosecutā? quoq; se priuatam

vehc-

vehementissimè doluerat, grauissimèque
tulerat? Quid illi gratius, quàm Filiū suum
tam malè à mortalibus tractatum, tot in-
iuriis, contumeliisq̃ue affectum, indignis-
simèq; in crucem actum, in cœlesti illo do-
micilio gloriosissimè regnantem, atque
triumphantem videre? Quàm lætabatur,
atque exultabat, cū sacratissima illa vul-
nera, quorum præciosissimo cruore con-
seruati sumus, ab excidio vindicati, atque
ex ipsis Acherontis faucibus erepti incre-
dibili splendore corruscantia conspexit?
Quis, quæso, hodierni diei splendorem,
quis gaudij magnitudinem dicendo con-
sequi posset? dies me profectò, vox, lingua,
viresque deficerent, si omnia complecti
vellem orando. Quòd si igitur omnibus
grati, ac iucundi esse solent illi dies, quibus
præclarum aliquod beneficiū acceperunt.
tibi sanè, Beatissima Virgo, meritò gratif-
simus atq; iucundissimus debet esse ho-
diernus dies, quo immortalitatem es asse-
cuta; quo sanctissimū cœlestem senatum,
omnes ordines, cœlum denique ipsum se-
dibus suis quasi conuulsum, obuiamque
tibi factum vidisti. Gaude itaque, beatissi-
ma Virgo, exulta, atque lætare tandem te

aliquando DE I immortalis benignitate
 voti, ac desiderij compotem esse factam.
 Gaude, ac lætare tandem aliquando illum
 diē illuxisse, qui tuis laboribus, doloribus
 ac miseriis finem attulerit, teq; æterna illa
 beatitudine cumulauerit. Gaude, ac lætare
 tandem aliquando illud tempus venisse,
 quo dictum illud diuinis oraculis multis
 antè sæculis promissum vsurpare possis:
 Quasi cedrus exaltata sum in libano, &
 quasi cypressus in monte Syon. Nunc te
 omnes gentes Beatam prædicabunt. Nunc
 omnes posteri honorificè de te loquētur,
 nec vlla vnquā ætas de tuis laudibus conti-
 cescet. Quòd si igitur turpissimum est ac-
 ceptorū beneficiorum immemorem, in-
 gratumque esse, nos ei ingrati erimus, cui
 beneficiorū memoriā deuincti sumus sem-
 piterna? Hæc nobis afflictis dexterā suam
 porrexit, laborantibus matura, ac salutari
 ope subuenit, stratos atq; abiectos suble-
 uauit, à desperatione ad spē, à vita ad mor-
 tem reuocauit. Quare si acceptorum be-
 neficiorum memoria grata nobis est, atq;
 iucunda, si libertas, vita, salus chara, hanc
 certè Virginē, cuius beneficio tantis com-
 modis fruimur, in perpetuum laudare, ac
 omni

omni studio, ac religione colere, ac obseruare debemus. Hunc ego te, Regina cœli, orbis terrarum Domina oro, atque obtestor, vt nos omnes, qui ad hoc florentissimum virtutum, ac literarum domicilium diuino, credo, spiritu inflati confluximus tuo sanctissimo patrocinio commendatos habere velis. Ad sis, quæso, Beatissima Virgo, studiis, conatibusq; nostris; excita dormientes, inflamma oscitantes, impelle torpentes, currentes vrge, vt aliquando firmissimis pietatis, ac doctrinæ præfidiis instructi patriæ labenti succurrere, ac religionem propè prostratam erigere, exultantem restituere valeamus. Te Germania grauitè afflicta, grauissimisq; malis oppressa supplex precatur, vt hoc amplissimum Collegium, in quo post Deum, omnem salutis suæ spem defixam, atque collocatam habet, diuinitùs institutum auctoritate tua tuearis, ardentissima charitatis flammâ stabilias, splendore illustres, integritate perficias, perfectamq; denique quàm diutissimè saluum, atque incolume conserues. Te quoque tacitè societas nostra orat, vt quam sub tuo fœlici auspicio erectam singulari semper fauore, ac præ-

dis, atque gloriæ cursum persequamini,
atque officium vestræ fidei commissum ita
gubernetis, atque administretis, vt insti-
tutorum conuentuum commodis consu-
luisse, omniumque opinioni, atque expe-
ctationi cumulatè satisfecisse videri pos-
sit. DIXI.

ARGVMENTVM ORATIONIS.

*En Christi genitrix exhaustis mille periculis
Nunc subit athereos virgo sacrata polos
Virgo subit rutili nunc alta cacumina cæli
Possit vt optata lata quiete frui.*

CONCLVSIONES
THEOLOGICÆ EX

PRÆCIPVIS SS. THEOLOGICÆ
locis depromptæ & à me GEOR-
GIO GOTHARDO Ticinide-
fensæ publicè.



COGNITIONEM seu doctrinā
aliquam reuelatam, de obie-
cto supernaturali non modò
possibilem, sed omninò hu-
mano generi necessariam omni tempore

CONCLVSIONES

& singulis fuisse, tam ad beatitudinē consequendā, quā ad alias veritates naturales aliōquin ad salutē necessarias, perspicendas, naturali lumine cognosci potest, quam etsi in omnibus aliis sectis minimē reperiri, demonstrari possit, in religione tamen Christiana esse, ac proinde amplectendam probabilissimē suaderi, demonstrari non potest.

2. Est autem sacrę Theologiæ, quā Scholasticam vocāt, scientiarum omnium, tam speculatiuarum, quā practicarum, vt certitudine prima, ita dignitate & nobilitate præstantissima vna specie, eminenter speculatiua & practica subordinata scientiæ beatorū, cuius obiectum est Deus vt Deus sub ratione reuelabilitatis.

3. DEVM esse, non est ita per se notum, quin demonstrari queat: Est autem simplicissimus ab omni compositione tam Physica, ex materia & forma, quā Metaphysica, ex actu & potentia, ex ente & essentia & sic de aliis penitus remotus, perfectissimus omnium rerum perfectiones formaliter in se continens, vel eminenter, infinitæ virtutis simpliciter, ratione cuius, omnibus in rebus necessariò existit, immutabilis

bilis & æternus solus per essentiam, cuius æternitate, omnis duratio, tam continua, quàm discreta permanēs mensuratur, cuius scientiæ & voluntati omnia tam singularia quàm contingentia, tam in se quàm extra se sine ullo discursu & mutatiōe subsunt.

4. Deus clarè visus, quàmuis naturalis hominum finis est dicendus, cognitione tamen & assecutione naturam penitus excedit, ad quem videndum nulla nec impressa species nec expressa, omninò tamen lumen gloriæ etiam per quamcunque Dei potentiam requiritur, licet ex alia parte intellectum actiue concurrere, atq; adeò perfectiorem in natura, perfectius videre, non sit negandum.

5. Ad diuinam porrò naturam quæ proximè accedit, angelica est, non quidem vt illa simplicissima, immaterialis tamē, spiritualis & intrinsecè incorruptibilis. Vnde in loco non est nisi per contactum & applicationem virtutis suæ operatricis, ratione cuius in duobus locis esse non potest, nisi in adæquatis. Vnde duplici motu cōtinuo & discreto, & hoc sine transitu medij, non tamen in instanti moueri potest.

CONCLUSIONES

6. Quamuis autem mentes illæ puræ & materiæ penitus expertes, rerum sensibilibus numerum longissimè excedant, plures tamen vna, eademq; in specie constitui non possunt.

7. Intelligunt porrò omnia præter suam Dei que essentiam, per species à Deo infusas, idque sine discursu, errore & opinione aliqua, solo tamen specierum auxilio; rerum futurarum effectus fortuitos, aut motiones voluntatis liberas, aut gratiæ occulta mysteria, suapte naturam cognoscere non possunt.

8. Ita autem ab initio mundi à Deo creatæ sunt, ut simul gratiam acceperint cum naturam, atque adeo proportionatam perfectioni eiusdem naturæ, ut ad eam nihilominus sese, sicut ad ultimum finem, nempe beatitudinem, disposuerint.

9. Tametsi impeccabilem naturam suam creaturam fieri repugnet, angeli tamen in primo suæ creationis instanti peccare non potuerunt: Necessè autem fuit, primum angeli peccatum superbiam esse in ordine ad unionem hypostaticam Verbi, atque adeo in supremo omnium angelorum lucifero fuisse, non est improbabile.

10. Sunt autem Angeli sic constituti, ut beati actum demeritorium, damnati meritorium aut moraliter perfectum nunquam facere, imò nec resipiscere aut Deum amare ob obstinati animi vitium possint; quæ quidem obstinatio, non tam à priuatione diuini concursus, quam naturæ statusque conditione proficiscitur.

11. Cum post primi hominis peccatum, mortale genus, nullis puræ creaturæ quantumuis perfectæ viribus, secundum iustitiæ rigorem reparari posset, esset tamen naturæ suæ reparabile, conuenientissimum fuit diuinæ bonitati sapientiæ & iustitiæ, illud Verbi diuini incarnatione redimi.

12. Indubitatum est, Christum saluatorem nostrum, de facto pro peccatis hominum sanandis in mundum ad nos descendisse humanamque naturam assumpsisse. Huius tamen altissimi mysterij peccatum non ita causam extitisse credendum est, ut si Adam non peccasset, verbum DEI incarnatum idcirco non fuisset.

13. Humani generis salutis autor, qui pretioso suo sanguine nos patri cœlesti reconciliauit, & ad æquitatem iustitiæ pro omnibus satisfecit ab instanti suæ creationis,
(quod

CONCLVSIONES

(quod soli Christo tribuimus) verus fuit
comprehensor & viator.

14. In Christo nō tantū est scientia ver-
bi increata, sed etiā creata, beatifica, infusa
& acquisita, per quas omnia in verbo etiā
occultissima, quæ sunt, fuerunt & erunt vi-
det. Sciuit autem ea omnia per infusam ad
quæ intellectus possibilis, naturaliter est in
potentia.

15. Quoniam homo naturā suā ignoran-
tissimus, ex iis quæ sensui patent ad diui-
norum cognitionem ducitur, conuenien-
tissimè signa quædam sensibilia, tam in ve-
teri quàm noua lege concessa fuerunt.

16. Septem sunt Sacramenta nouæ legis à
Christo Domino immediatè cū certa for-
ma & materia instituta; quorum tria Ba-
ptismus Confirmatio & S. ordo ultra gra-
tiam, quam cum omnibus aliis ex opere
operato verè & physicè caussant, caracte-
rem in essentiam naturæ imprimūt. Vnde
repeti sine sacrilegio nequeunt.

17. In horū administratione ministri gra-
ue peccatum committunt, si ad admini-
strandum temerè & scelere aliquo inqui-
nati accedunt, effectum tamen Sacramen-
ti, nullo flagitio, dummodò legitimam in-
tentio-

tionem habuerint impedire possunt:

18. Baptismus sacramentorum omnium ianua, etsi singulis in re vel in voto necessarius est simpliciter, infideles tamen, aut filij eorum si mancipia non fuerint, inuitis ipsis, baptizari non debent. Est autē forma eius: Ego te baptizo in nomine Patris & Filij & Spiritūs sancti. Vnde in nomine Christi aut sanctæ Trinitatis collatus inualidus est; materia eius est aqua elementaris.

19. Baptismus Ioannis ab ipso Ioanne institutionem trahens & originem, non fuit idem cum baptismo Christi, licet in nomine Christi conferretur. Vnde nec gratiam contulit nec necessarius fuit. Circumcisio verò & alia naturæ sacrificia etsi virtute fidei iustificārint, ex se tamen gratiam nullam conferebant, suamque vim totam iustificandi in passione Domini amiserunt.

20. Est autem Baptismus à Christo Domino, non simul, nec vno in loco, sed quoad aliqua ante passionem, quoad alia in passione, denique, quoad aliqua post passionem institutus.

21. Confirmatio est verum Ecclesiæ Sacramentum ab ipso Christo Domino institutum, cuius materia est chrisma ex oleo & balsa-

balsamo conflatum & ab Episcopo consecratum, qui proprius illius minister est, licet ex delegatione summi Pontificis simplex constitui possit sacerdos.

22. Sacrosanctæ Eucharistiæ sacramentum omnium dignissimum, tametsi ad salutem necessarium, ut medium simpliciter non sit, est tamen præceptum, omnes ratione utentes obligans, cuius materia est vinum vitis & panis triticius, rationabilius tamen azymus quam fermentatus. Vnde nec in aceto aut cerevisia aut alio genere potûs, fieri potest consecratio.

23. Forma verò eius, sunt ipsa consecrationis verba, tum hæc: Hoc est corpus meum &c. tum illa: Hic est calix &c. quibus prolatis vera fit panis & vini, in corpus & sanguinem Christi transsubstantiatio, atque ita quidem, ut non solum in hostia tota, sed qualibet ei⁹ particula minima, ante & post fractionem totus Christus secundum divinitatem, animam, corpus, sanguinem & dimensionem modo quodam incomprehensibili verè contineatur.

24. Post consecrationem nihil substantiæ panis & vini penitus remanet, sed solum accidentia proprio subiecto spoliata ibi
repe-

reperiuntur, tamdiu autem sub speciebus panis & vini Christus continetur, quousque species illæ corrumpantur.

25. Pœnitentia nō tantum est Sacramentum sed etiam virtus sine qua impossibile est, hominem in peccato actuati mortali constitutū salutem consequi. Eius materia sunt tres actus pœnitentis, contritio confessio & satisfactio; forma vero: Ego te absoluo, per quam dimissa culpā non est necesse omnem quoque remitti pœnam. Sicut autem peccata dimissa per sequentem auersionem, ita opera bona mortificata per sequentem conuersionem non nisi in specie redire dicimus.

26. Minister eius proprius est sacerdos iurisdictionem habens ordinariam vel delegatam qui subditum ab omnibus peccatis sedis Romanę vel loci ordinario non reseruatis absolvere potest. Vnde simplex sacerdos qui nulla iurisdictione est præditus à nullo peccato mortali nisi in casu extremæ necessitatis absolvere potest, quo quidem tempore ab omnibus peccatis & censuris absoluedi potestatem habet.

27. Conuenientissimus est modus clām & priuatim cōfiteendi, atq; ad confessionis confer-

conseruationem maximè necessarius. Po-
test autem confessio, quoad effectum esse
informis, quem tamen fictione abeunte
fortitur: Integritas autem & sigillum, ita ei
astricta sunt, vt diuidi vel manifestari sine
licentia pœnitentis non possit.

28. Nemo potest in hac vita, pro pœna
eterna satisfacere de iustitia. Homo autem
in charitate constitutus, licet pro pœna
temporali, tã propria quàm aliena id pos-
sit, extra tamen illam non potest; debet
autem satisfactio fieri per opera pœnalia,
quæ tamen non est necesse aliàs esse debi-
ta vel non.

29. Certa fide tenendum est in Ecclesia
Dei esse potestatem excommunicandi &
separandi à communione fidelium, tàm
interna quàm externa. Maior autem ex-
communicatio non existente causâ pec-
cati mortalis nec infligi debet, nec inflicta
tenet.

30. Eadem certitudine tenendum est dari
in Ecclesia Dei thesaurum indulgètiarum
ex meritis & passione Christi, & sanctorum
eius conflatum, cuius dispensatio, quæ per
se primò in summo residet Pontifice cau-
sam urgentem requirit.

31. Ecclesia Dei quæ est Catholica & vniuersalis omnium credentium vbiuis locorum existentium sub vno visibili capite, visibilis congregatio cum à Spiritu sancto regatur & columna sit veritatis in fidei & morum disciplina errare non potest, nec vquam errauit, suntque in ea vsq; ad extremum iudicij diem boni & mali.

32. Matrimonium, quod perpetuæ viri & mulieris cohabitationis obligationem includit, nunquam fuit præcepti naturalis, positiui tamen esse potuit vsq; ad Christum, à quo factum est Sacramentum; cuius materia est ipsa mutua corporum traditio, forma verò mutui consensûs expressio.

33. Conditio quæuis matrimonio appositæ quantumuis turpis & impossibilis, si contra naturam & substantiam eius non fuerit pro non adiecta haberi debet. Nullus autem gradus affinitatis, cognationis spiritualis, & consanguinitatis, præterquam primus in recta linea consanguinitatis iure naturali matrimonium impedit.

34. In causa diuortij, ob infidelitatem, fornicationem, aut alia peccata enormia, vterque coniugum pares censerī debent, hoc tamē sine auctoritate publica aut iudicio

K

Ecclesiæ

Ecclesiæ fieri nequit, nec alteri cōiungi licet, excepta ea infidelitatis causâ, in qua deinde tradunt posse coniugem fidelem ad secundas nuptias transire, matrimoniū non soluit. Olim tamen, sicut & pluralitas vxorum, nō solūm permissum fuit diuortium, sed etiam licitum.

35. Quamuis votum simplex matrimonium contrahendum impediat, & solenne contractum dirimat, consummato tamen matrimonio, altero inuito nec perfectè vouere, nec religionis votum emittere licet, post matrimonium verò ratum tantum & vouere & religionem intrare, etiam inuito altero coniuge licet.

36. Matrimonia clandestina etsi aliquando valuerunt, rectè tamen Concilium Tridentinum grauib; causis adductum statuit, vt in posterum ea tantūm matrimonia rata firmâq; essent & haberentur, quæ proprio Parocho, vel de eius licentia alio sacerdote & certis testibus præsentib; per mutuum consensum de præsentī contraherentur.

37. Potuit etiam iure optimo Ecclesiæ, impedimenta aliqua noua matrimoniū dissoluentia statuere, vel aliqua antiqua tollere.

THEOLOGICÆ.

lere. Multa autē sunt genera personarum, quæ iure Canonico ad matrimonia contrahenda sunt ineptæ.

38. Obiectum iustitiæ, quæ est constans & perpetua voluntas, vnicuique quod suum est tribuendi, est ius in naturale & positiuū diuisum. Subiectum verò voluntas, species commutatiua & distributiua, actus reddere vnicuique suum; estq; duplex legalis & particularis.

39. Restitutio actûs, est iustitiæ commutatiuæ ad salutem necessaria, tam iniuste quam iuste in aliquibus casibus acceptis, vt in iis quæ inueniuntur, vel bona fide à fure emuntur. In tâtum autem necessaria est, vt nullus nisi animū restituendi habeat viâ ordinaria salutem consequi queat.

40. Hoc autem non ita generatim accipiendum est, quasi in nullo casu excludatur obligatio; constat enim si debitor parentesq; eius & filij in extrema necessitate constituti sint (non obstante quòd eadem necessitas creditorem & suos premat) debitorem durante illa necessitate non obligari in foro Conscientiæ ad restituendū, tenebitur tamen pòst vbi ad pinguiorē fortunā peruenerit creditori suo satisfacere.

CONCLVSIONES

41. Adultera nō obligatur prodere suam turpitudinem, vt hæreditas ad veros hæredes perueniat, erit tamē suarum partium, spuriū persuasionibus inducere, vt in monasterium se conferat, vel ad sacerdotium renūciando hæreditati promoueatur; imò necessarium etiam erit, si speretur vtilitas, filio ortum inhonestum significare, cū nullum mater apud filium patiatur famæ detrimentum.

42. Dominium si latè sumatur, idem est quod ius, comprehenditq; ius paternum regium & vxorium, propriè tamen sumptum nihil aliud est, quàm facultas propria in aliquam rem, quam vsurpare quis potest gratiâ sui, quocunque vsu lege permissio vel sic est ius perfectè de re disponendi nisi lege prohibeatur saluo iure alterius. Ex quibus fit manifestum, Dominium ab vsu, vsufructu, Emphiteosi, possessione omnino distingui.

43. Multis modis acquiruntur dominia rerum, donationibus, præscriptionibus, venditionibus, emptionibus, legibus, & alijs viis, sed quæ per vim & metum externum in virum constantem cadentem, extorquentur, restitui debent (donationes enim

enim & contractus tales non valent) sed quæ precibus & blanditiis obtinentur restitutioni non sunt obnoxia.

44. Fundamentum Domini non est fides aut gratia iustificans, vt nonnulli Hæreticorum somniârunt. Vnde & infideles & peccatores Dominium habere, necessariò concedendum est.

45. Titulo præscriptionis, non solùm in fore ciuili, sed etiam conscientie, dominia rerum transferuntur, ad præscribendum autem necessariò requiritur bona fides, conuenienter etiam statutum est, vt plus temporis ad præscriptionem bonorû Ecclesiasticorum quàm temporalium, & immobilium quàm mobilium requiratur.

46. Negotiatio cùm sit Reipublicæ maximè necessaria, intrinsecè & ex natura sua mala & illicita non est; potest tamè aliunde vitari ex obiecto, fine, circumstantia personarum, temporis & loci.

47. Quamuis per se rem pluris quàm valeat vendere peccatum sit, ex accidenti tamè, honesta potest esse talis veditio; primò quando res est meliorata, secūdò quando prætium est mutatum, vel ratione loci vel ratione temporis, tertio ob periculum &

CONCLUSIONES

expensas, sic ob penuriam merciũ & mercatorum frequentiam, & sic de aliis.

48. Qui vendit citra dimidium iusti prætij peccat & tenetur restituere in foro Cōscientiæ, qui verò vendit vltra dimidium iusti prætij punitur etiã in foro externo. Tenetur etiam vēditor vitium rei indicare si sit occultum & cedat in damnum emptoris, quòd si secus fiat, contractus nihilominus firmus permanebit.

49. Quamvis D. Thomæ Aquinati placeat, vēditorem scientem brevè magnam copiam mercium aduectum iri, non esse obligatum ad hoc significandum; contrariam tamen sententiam, tanquam probabiliorem, defendimus.

50. Respub. fures & alios publicæ tranquillitatis perturbatores occidendo non peccat contra quintum Præceptum. Licet etiam vnicuiq; priuato vim vi repellere ac pro defensione vitæ & aliorum bonorum cum moderamine inculpatæ tutelæ alium occidere.

51. Culpâ non carent, qui cùm commodè fugere potuissent impetum exceperunt, ac sese defendēdo inuasorem occiderunt, & hoc maximè de personis Ecclesiasticis intelli-

intelligendum est, de militibus autem & aliis personis sæcularibus, quibus fugere turpe & ignominiosum videtur fortè alia ratio est.

52. Respublica quamvis possit ciues suos certissimo vitæ periculo pro patriæ incolumitate exponere, innocentem tamè pro salute patriæ occidere, aut Tyranno exitiũ toti Reipublicæ minitanti, nisi talis tradatur, tradere non potest.

53. Cùm homo propriæ vitæ, & suorum membrorũ Dominus non sit, nec seipsum occidere, aut membrum aliquod nisi per accidens ad conseruationem totius corporis abscindere non potest: Sampson tamen ob columnæ euersionem, ex qua sua & multorũ ruina consecuta est, nõ peccauit, cùm illud diuina inspiratione fecerit.

54. Maritus vxorem in adulterio, in facto flagranti depræhensam, occidere quidem impunè potest, quantũ ad leges ciuiles attinet, à peccato tamè in foro Conscientiæ non excusatur.

55. Tàm nocenti quàm innocenti fugere & carceres effringere licet, etiamsi custodes carceris vitæ periculum ob fugam sint adituri; dummodò vis illis non inferatur;

CONCLVSIONES

nullus porrò damnatus ad mortē aut venenum haurire aut fame perire, si habeat quod comedat potest.

56. Sicut Iudex probatum innocentem, quem scit esse nocētem condemnare non potest, sic probatum nocentem quem nouit esse innocentem absolvere & liberare non debet.

57. DEVS hominem liberum condidit, eiusq; tanta est libertas, vt si voluntati duo obiecta æqualia afferri possit alterum præeligere, quinimò & reiecto meliori adhærere deteriori, impossibile autem est, voluntatem quę efficaciter finem appetat repudiare medium, quod cognoscitur esse simpliciter ad talem finem necessarium.

58. Cum verò in malum sub ratione mali ferri non possit, adeò tamen libera est, vt in actibus, quos elicitos vocant cogi per vllam potestatem nō valeat. Solùm autem in eius actu interiori formaliter est moralis bonitas & malitia, in exteriori non nisi extrinsecè & denominatiuè.

59. Moralisis bonitas ex obiecto, fine & circumstantiis rationi cōgruentibus pendet, ex iisdem à ratione dissidentibus malitia desumitur. Est autē in vniuersum malitia
priuatio

privatio quædam perfectionis quæ inesse debebat, quæ sicut non habet causam per se, sic habet multas causas per accidens, inter quas prima omnium est, rem ex nihilo esse conditam, proxima verò & immediata creaturam esse mutabilem.

60. Peccatum omne cōtra rectitudinem est & cum studiosis actionibus pugnans, nihil autem vetat, quò minùs peccatum omissionis sine vllò actu antecedente, & concomitante esse possit, peccatum verò originale cuius labe vniuersum hominum genus infectum credimus, nō personæ sed naturæ totius peccatum est.

61. Ea porrò peccati vis fuit, vt hominem ab excelso innocentia gradu deiecerit, ac omnibus diuinæ gratiæ ornamentis exuerit, vnde tantam infirmitatem natura contraxit, vt licet bonum aliquod & velle & facere adhuc valeat, solo concursu Dei generali, sine speciali tamen auxilio nec Deum super omnia diligere, nec vllum Deo gratum obsequium, quod ad vitam æternam valeat, præstare possit.

62. Gratiæ præterea dispositio propinqua absq; speciali auxilio Dei haberi nequit. Vt autem paruuli sine propria volūtatis operatione iustificantur, sic adulti proprio li-

CONCLVSIONES THEOLOG.

beri arbitrij motu nō accedente iustificari non possunt. Iustificati autem per opera ex gratia facta & Christi meritis innixa, cū vitam æternam, tū diuinæ gratiæ augmentum de condigno merentur.

63. Quamuis quilibet fidelis moraliter scire possit, sitne amicus Dei vel inimicus, quæ moralis cognitio ad pacandam conscientiam vniuscuiusq; est sufficiens: nemo tamen certitudinem scientificam aut fidei diuinæ habere potest extra particularem reuelationē, quod sit in gratia. Deus enim Opt. Max. cum sit summè bonus, nec per se aut per alium mentiri, decipere aut homines ad malum impellere potest.

64. Pontificiæ leges Christianos sub peccato mortifero ad suū custodiam obstringunt, nulla autē lex obligat nisi prius promulgetur, leges etiam penales ante latam sententiam non obligant.

65. Ratione mutui aliquid accipere & legi naturali & diuinæ omninò repugnat.

Controuersia hæc de bonorum Operum & Sacramentorum necessitate vna cum adiunctis exercitationibus literariis, utilis est, & typis excudi poterit.

Gregorius de Valentia Doctor Theologus
& in Academia Ingolstadiensi Professor,
ac facultatis Theologicæ pro tempore
Decanus,

IN OBITVM CAROLI
FRIDERICI, CLIVENSIS
Principis, Romæ defun-
cti, carmen.

Narratio obitûs.



ERGEMINVS Princeps Carolus dñ
limina Diũum
Dñ veteris Latij populos vrbesq̃, superbas
Augustumq̃, Patrem Romæ sua sceptrā tenentem
Lustrare aggreditur, inopinæ vulnere mortis
Concidit, heu patriæ spes & lux vna parentum.
Ergo ne pro dulci hospitio latisq̃ triumphis
Pastori summo, Princeps clarissime, amaras
Heu lachrymas gemitusq̃, et funera mæsla repēdis?

Admirantur spectatores funeris
celebritatem.

QVisquis ades, q̃ funeris hæc spectacula cernis
Pöpa quid ista notet quares, quid triste sepul-
Turba quid atra? insignia picta quid vltra (chrũ,
Portentat color iste niger tituliq̃, superbi?
Perlege quos dedimus versus & singula nosces.
Carolus en Princeps rerum quem fama celebris
Cliniacæque domus splendor super astra locârant,
Finibus angusti tumuli conclusus opaci,
Hic iacet heu præcib⁹ frustrâ repetitus ab vmbria.
Ast alij mæsti quos conspicias ordine longo
Immanem casum lugent & funera dira.

ALIVD

A L I V D.

ERGONE tam subito rumpis solatia patris?
 Tam celeri rapitur morte paternus amor?
 Carole sollicitum credo hoc timuisse parentem
 Quod foret amplexus summus & ille suus.
 Heu te cū lachrymans celebrē transmisit ad urbem
 Quam pater Augustus religione regit.
 Nimirū præsaga mali mens sæpe futuri
 Assolet heu quantos corde ciere metus?

A L I V D.

Roma luget acerbum casum.

DV M quondam mundi totius sceptrā tenebam
 Atq; caput fulgens totius orbis eram,
 Cliuenses timui semper, fortesq; Lycambros,
 Maxima qui crebrò damna dedere mihi.
 Ah quoties volui crudelem excindere gentem
 Ah quoties ferro prælia dira tuli?
 Si vici, nunquam magna sine cæde meorum
 Constat, & magno pugna cruore mihi;
 Mirum quos olim potui non vincere victrix,
 Funere nunc vinco, proh dolor, ipsa meo.

Triumphus Christi redemptoris.

QVALIS Christi adum consurgit gloria gēti,
 Quantus Io rutilus fulget fragor axe micanti?
 Quam meritò lætas mortalia pectora voces
 Mixtæq; cum tremulis diffundunt carmina verbis?
 Splendi-

*Splendidus aquoreo surgens de gurgite Phæbus
 Gratius Eo lumen fert axe per orbem:
 Sic etiam sæuæ post trisla funera mortis
 Clara crucis redeunt victricis stemmata Christi.
 Viderat ut Daemon victum pulsumq; tonantis
 Imperio Adamum caput fera bella mouere,
 Cedebantq; homines iaculis saretrisq; Tyranni
 Ut timidi fortes horrent sauosq; gigantes:
 Ast dux æthereus tantis se posse periclis,
 Extorquere viros, nostros descendit in artus;
 Ac velut Isacidus strauit fuditq; Goliath
 Ingentem validis gestantem viribus hastam,
 Sublimesq; fero superantem vertice montes
 Magnanimus Christus stigium sic deiecit hostem
 Horrendo vastum replentem crimine mundum,
 Ac animos hominum turpantem sordibus agros.
 Dissimilis tamen ista fuit non æqua relucta,
 Ille ferit mactatq; virum de stirpe gigantum
 Nobile conseruans corpus sine vulnere læsum;
 Hic moriens hosti mortem, populoq; salutem
 Attulit, & victor gradiens super astra triumphū
 Gestat honoratis spoliis gemmisq; micantem
 Ciuis ut hostiles inuadens ense phalanges
 Captiuis patriis asperrima vincula soluit,
 Et Gallos urbem cingentes Marte Camillus
 Pellit, ut optatam Romanis ferre quietem
 Possit, & his subitis patriam seruare periclis:
 Sic ciuis, Dominusq; simul stellantis Olympi*

Infima

*Infima descendens loca, patres extrahit orco
Munera supremi sperantes fulgida Regis
Poscentesq; ducem, surgens qui victor ad auras
Extraheret lucis cupidos de carcere caco.
Ecce virum de mente satum rectoris Olympi
Virtute insignem dulci sermone modestum
Aspicimus, mundo cupientem ferre salutem,
Daemonis extirpans scelerati castra nefanda,
Mira facit gentis peragrans confinia Iudæ
Signa, stupentq; viri, non antea signa videntes
Talia facta, ducem quem maxima turba sequitur.
Hostis at impatiens dominorum pectora Iudæ
Commouet, in Regē nostrū, Dominumq; Deumq;
At Princeps noster validis expertus in armis
Prosequitur, primam pugnam superando secundam
Dissimiliq; omnes inuictus Marte subegit:
Non secus ac populum conclusit Horatius uno
Tres superando die seruata lege Palæstra.
Desine Casareos Vates iactare triumphos;
Desine Torquatum victorem extollere metris;
Mitte triumphales currus laudare camænis;
Incipe diuinos diuini Regis honores:
Incipe victorem victricia signa gerentem:
Incipe cælestes Musis ornare triumphos.*

F I N I S.